

# RAID NONGTLUH

BAD

KI SAN LYNGDOH SAN KUM

LALOO, MANIH, MATONG, MALAI & KHOMBEIT




Printed by Donbok T. Laloo









HA KA NAM  
KA BUROM  
JONG KA KUR  
**LALOO** BAD  
KI KHUN KI  
KSIEW PATENG  
PAKIT JONG  
KA **IAWSHIBDI**



# KA RAID NONGTLUH

**Bad**

## KI SANLYNGDOH SAN KUM

(Laloo, Manih, Matong, Malai, Khomdeit)

Da

U Donbok T. Laloo

---

Published by Donbok T. Laloo  
Lummawbah Upper Shillong  
Shillong—793005

---

(All Rights Reserved)

1995.

---

Printed at Scorio Printers  
Mawkhar Shillong—793001





## SNGEWNGUH

Ha ka jammiet 7 tarik u lolong 1985, nga mih na Shillong ryngkat bad ki nongbeh Iew (Ki nongkhal ba leit die leit thied khamtam sha ki Iew Nongkyndong) ban leit sha Umden Raid Nongthuh. Ka Jeep ka khapnglah smam haduh ba la tirsait ki kjat, bym don jaka buh kjat ban klich ban ksar, hynrei nga kmen ba ki nongbeh Iew ki bym ju shah la kiwei pat ban la leit lang bad ka kali jong ki, namar ki la la biang brlew lypa, ki pati jaka la nga. Lymkumta ngam don lad sasta ban leit ba dang shitom kali,

Ha lymti ki biria sammut ba bun jait ba ki kong beh Iew ki la pur la lir iwei hadien iwei pat, ki pynrkhie lapler la ngi baroh shikali. Ka jing-nang biria jong ki, ka pynshokblej la nga bad ngam sngew nongwei shuh wat la ngam pat ju ilhuh ithaw la ki, lait rang la uwel u rangbah bad ka inga jong u. Ngil poi ha Iew Nongpoh ynda la dum bha ngait bad ngi hlar bamja miet ha kawel ka dukan kaba don harud surek ban leit sha Marngar. Marayn dep bamja, ngi kiew biang ha ka Jeep ban leit sha Umden bad namar ba saiew ka kali, ngil poi ha Iew Umden kumba 10 baje mynmiet.

Kumba ju long ka rukom, lufan baroh ki nongbeh Iew hiba na Shillong ki ju leit miet ha ki basa Iew. Ki kynthet para kynthet, ma nga bad arangut ki rangbah ngi la thih lang ha kawel pat ka basa kaba marikang bad ka basa ba thih ki

(ii)

kynthei. Hangne ruh ka biria kynnw iing kaba  
phun ym lah khie rkhie pashait shar. Hamar ba  
dang ia rkhie sngewbha shar shi shar, kyndit kyn-  
san la ther u slap, bad namar ba ki basa iew kim  
put don jingker lait tang ka inum, ngim banse bun  
khie noh na ba thiah bad shu ia shong, khnang  
bun lau na ka jingpharait jong u slap. Kumne  
ngi shong thiah siar haduh ban da shai.

U Syiar u la kynih bad ki sim ki doh ba sngew  
thiang, ka Ri Bhoi ki la ia sdang ia rwai sngew-  
ynnad. Ha kane ka por u slap u la rang, ka lyer  
step ba pyngngud ka beh hir hir bad ka jingdum  
byrngut byrngut suki ka phet noh ba ka jingshai  
jong ka step ka la sdang luar pyrthei.

Tang mar ia shai ka bneng, ki khynnah die  
sha ki wan die ia ka sha step ha ki basa ba ngi  
sah mlet. Baroh ngi ia dih sha lang khru  
bad hadien ba la dep dih sha, nga ai khublei kit-  
bok ia ki ban bha ka die ka khied. Ha lade nga  
da sngew bynnud bun kh'ad na kum kane ka kyn-  
hun ba d-p jingkmen, hynrei yn leh kumno, na-  
mar ki la kyrkieh ban phriang ia ki mar ha la ki  
jong ki jong ki basa bad nga ruh namar nga hap  
leit wad ia ka iing jong u Bah Dolin Malai,  
khnang ba ngan ioh pyndep la ka kam.

Da ka jingiarap jong u Bah Dolin Malai, nga sa  
ioh bun ia kynduh ia u Bah Baris Laloo, ia i Ma  
Drin Sing Laloo, iba lang Pater jong ka Raid  
Nongtluh bad lyngba ka jingiarap jong ki kham-  
iam ba dei ka sngi iew Unden, nga la ioh lad

(iii)

***ban ia shong dorbar bad ki kur Laloo.***

*Dei ha katei ka dorbar ba i Ma Drin Pator Laloo i la sei bud pyni ha nga ia ka waulam kaba u Syiem Bormanik, u Syiem ba khatduh eli jong ka Hima Shyllong u la ai sngewbha ha u Jon (Zon) Pator Laloo na ka bynta ka kam shur jong u kam u 'kh'await nongialam jong ki San Lyngdoh San Kum ban ialeh ihma pyrshuh ia ki Phareng (Ka jaka ba ki ialeh bad ki phareng dei ha ki khilaw hapdeng Jirang bad Nongkhilaw, ki pynlong jaku pdeng ia ka jingkteng lngding bad wah Khri), Ia ka nap ka bili (vap kamut pynlang bad Bili ka mut reh lane khum) lane liat-kari ia kaba Ia ai lang bed ka wailam, kim shym lah ban pyni, ki ong ba ka la jah,*

*Hadien ka dorbar, nga la loh lad ban ia syllok katio kutne kiet kiet kiba ia dei bad ka Raid Nongtluh, khamtam kumno ka kur Laloo ka pot ha ka Raid Nongtluh. Kitei ki jingtip ki krik bad pynskun ia nga ban sah kham bun sngi, khnang ba ngan lah ban lum jingtip ba kham bniyah, hynrei namur ba nga dng trei kam surkar, ngam banse ban wan phai noh sha Shi'long. Kumta ka kam ka sah tang haduh u snem 1992.*

*Ha ka 21/3/92, nga la leiti biang sha Umden da ka jingthmu ban lum ia ki kur Laloo bad ban bui noh ha ka jingthoh ia ki khanatang jong ka kur Laloo, khnang ba ki kur Laloo kiba shong ba sah ha kiwei-pat ki shnong ki Raid kip tip, hynrei ynda nga la swai bha, nga sn'ewithuh ba nga dei*

*ruh ban thoh khyndiat khynsoit ia ki khanatang jong kiwei de ki kur, kiba ia ia don kti bad ki kur Laloo ha kaba pynleng bad khyllie pynim biang ia ka Raid Nongtluh, hadien ba ka ia shah pynjot thiaw ha ka ihma. Kumta ngam banse ban leit biang ban ia kynduh ia ki Tymmen ki San sha Umden, sha Nongbah Khyndew Mawdaloi bad kiwei ki jaka ha 6/4/92, 25/5/92, 27, 28/9/92, 27/3/93 bad nga pyndep ia ka jinglum jingtip ha ka iaew bakhatduh jong u Nailur 1994 da kaba ngu ia kynduh kyrpang ia u Bah Dolin Malai*

*Ha ka jingleit ban lum jingtip, khambun sien hi nga dei ban laid kjat, hynrei ka jinglaid ba nga da thait da shisha, ka long haba nga laid na Umden shaduh Umkra, Raid Nongtham, da kaba laid lyngba ka shnong Sohkharr, Umkon, Mawlong, Umdohkha, klan ia ka Umsiang, poi shnong Pamdiengngan bad nga sa poi Umkra, bad ha kajuhi hi ka sngi nga hap wan phai sha Umden. Ka shim por haduh khatwei kynta, kata ba shu laid khlem sangeh, pynban nga hun ka mynsiem, namar ki kam ki laid beis laid rytih.*

*Ha ka 22/2/94, nga ia pule ia ka manuscript ha khmat ka dorbar ki Longsan Mansan jong ka Raid Nongtluh ha kaba u Syiem Rald u la ia don ryngkat. Ka dorbar ka ia long ha Umden bad da kawei ka jingmut ka dorbar ka ia mynjur ba ngan pynmih bud shon ia kane ka kot. Namar kata, ka jing sngew nguh ba kyrpang jong nga ka leit sha ka dorbar Raid Nongtluh kaba kynthup ia ki-ne ki rangbah harum :-*

(v)

**U Ner Sing Syiem, u Syiem Raugbah ka  
ka Raid Nongtluh.**

**U Trin Syiem, Syiem khynnah ka Raid  
Nongtluh.**

**U Drin Sing Laloo, Pator Laloo Raid Nong-  
tluh.**

**U Tel Laloo, Sangot Laloo Raid Nongtluh.**

**U Smal Manih, Daloi Manih Raid Nongtluh.**

**U Mosmen Manih, Tymmen shnong Manih  
Raid Nongtluh.**

**U Bron Matong, Pator Matong Raid Nong-  
tluh.**

**U Swet Matong, Lyngskor Matong Raid  
Nongtluh.**

**U Lajro Sing Khomdeit, Majl Khomdeit  
Raid Nongtluh.**

**U Sosing Khomdeit, Pator Khomdeit Raid  
Nongtluh.**

**U Rani Malai, Daloi Malai Raid Nongtluh.**

**U Porlis Malai, Sangot Malai Raid Nongtluh**

**U Jelin Syngkli, Pator Syngkli Raid Nong-  
tluh.**

**U Wonderson Shylla, Sangot Shylla Raid  
Nongtluh.**

**U Laurence Majong, Daloi Majong Raid  
Nongtluh.**

**U Phedrin Dkhar, Karkun Dkhar Raid  
Nongtluh.**

**U Ploew Rynshon, Borkongor Rynshon**  
**Raid Nongtluh.**

**U Sorl Sohtun, Sangot Sohtun Raid Nong-**  
**tlun**

**U Ktiag Saphai, Sangot Saphai Raid Nong-**  
**tluh.**

**U Manjit Tado, Sangot Tado Raid Nongtluh.**

**U Kien Trang, Sangot Trang Raid Nongtluh**

*La jan baroh na kitet ki Longsan ka Raid ki  
 la ia shim bynta kyrpang ka kaba at jingtip ia  
 nga, hynrei nator jong ki, nga sngew d i ruh ban  
 sngew nguh kyrpang sa ia ka Bei Thei Laloo (Li-  
 won), kaba la bua ta nga la kat i mei trat jong  
 nga man la ka sten ba nga leit shi Umden : Kum  
 juh ruh ia u Bah Chon Malot (Umkon) uba long  
 u Diri lone u Jku, u Bah Morit Matong, uba long  
 u Secretary kur Matong, U Bah Tesly Khomdei,  
 uba long u Secretary kur Khomdei, u Bah  
 Byrning Khomdei u bah Sahin Mawlat, u Bah  
 Boris Laloo, u Bah Was Laloo uba khlem ka  
 jinatarap lum lem jong u, khlem pep kane ka kot  
 kan jin da shim por stem shwa ban paw pyrthei.*

*1. Ka sngew nguh jong nga kan jin da long shi-  
 liang khmat, lada nga leh klet ban ktibok kit  
 rying kyrpang ia u Bah Dolin Malai numar dei  
 ma u uba la ktik nyngkong eh ia nga ban leit sha  
 Umdem, kumjuh ruh ia u Bah Hari Marit (pa  
 hambir Raid Nongtyngdoh) u bym ju pep ban ia  
 synran ia nga kat shuba nga leit ngam sha ki*

*Riad hapher jong ka Ri Bhot. Ia u Bah Ther Marbamang, u Irai jong ka Scorpio printers Mawkkhar Sh Hlong ba! Ia ki nongtrei jong u kiba la leh shetom ban pyndep ia kane ka kot ha ka por kaba ia g. kumjuh ia u Bah Raphael Warjri uba la design ia ka Gover jong kane ka kot.*

*Kladuh, ym khatwai, nga sngewnguh kyrpang eh ia u U Paem Laborious Manik Syiem, Syiem ka Hma Myllim bad ia u Bah Nisan Wahlang Secretay ka Lorbar U Syiem ka Hma Mylliem, kiba la ia kyrshan ia nga ha ka rukom ba kyrpang eh Nga sngewnguh ia phi ki nongpule bad nga ndiang sngewbha ia kmo kmo ki jingai ingmut ban nang kham pynbha ia kane ka kot.*

**Khub'ei shibun,**

**Uba kit bok ia phi**

**Lummawbah,  
Upper Shitlong  
5 tarik u Nohprah 1994.**

**U Nongthoh.**





## IA PUR IA LIR

U Bah Donbok T. Laloo da ka jingpynlum jong u ia ki jingtip kiba iader shaphang ka Raid Nongtluh bad ki San Lyngdoh San Kum na ki jaid kur Laloo, Manih, Matong, Malai bad Khomdeit, u ia pyndep sa kawei ka deiti ban ai ksai bad btin lynti ia ki longdien mandien, khamtam eh ia ki longbteng jong U Buaid Sangot Laloo, U Jvrlu Dalot Manih, U Sawai Pator Matong, U Dorjang Dalot Malai bad U Larbuh Maji Khomdeit. Kumjuh ruh ia ki longbteng jong U Buda Syiem Kuba.

Haba nga pulc ia kane ka kot "**Ka Ra'id Nongtluh bad ki San Lyngdoh San Kum,**" nga shu kum kynmaw ia ki ar tylli ki jingrwai ba la ju pyntem lyngba ka A.I India Radio, kiba da kaba sngew burom ia ki Myllung kiba neam tip kyrteng ia ki, ba ki la ktik jingmut ia nga ban sot ia kine ki kyntien jong kita ki jingrwai— "*Balet sha balet sha, ki saw ki dteng ha khlaw ; Balet sha balet sha, ka ud ka Langbyrkaw*" Bad sa kawei pat kiba ki kyntien sot jong ka jingrwai ki long— "*Ha syngtew jong u Bnai ka rieh tngen ka Dkhoh, U Tiew Lapongnai la ki khmat u pynnoh ; Ki khyannah ki kmen ki shad ha phyllaw, Ka khmat u Tymmen ka da wad ia ka daw.*" U Trai Nongthaw Nongbuh U ia pynbiang nadong shadong ha kane ka sla pyrthei na ka bynta ban ia biang lang baroh ki jingthaw

jong U. Kumjuh ruh u Mynbarim u burom ia kata ka jingpynbiang, hynrei dei ka jing bym nang burom ia ka ain jong ka marjang kein kaba la pynlong ia ka Langbyrkaw ban ud ia ka jingsaw ki dieng ha khlaw, kaba phalang ruh kumjuh pat ia ka jingsator ha ka liang ka tip Hok ka burom Riti kaba la nang thap troin thap troin na kawei ka juk sha kawei pat. Ha kane ka liang la dei ban don ka jingpeitngor ban nym ailad ia ki Klong Injal ba kin biah phongrai, lym kumta ka tynneng khyllah kan shong kulai bad kodom kyriuh ha ban da lkyo hi pum kita ki Hok, ki Riti tynrai ba la buh u Ni u Kong.

U Bah Donbok T Laloo u la dep ai ksai kumno ki Laloo, Manih, Matong, Malai bad Khomdeit ki dei ki tynrai Longsan Mansan jong ka Raid Nongtluh. Lehse, lada ka lad ka lynti kan plie lem na ka bynta ka jong u, nga ngeit un sngew skuin biang ban leit wad jingtip na ki Tymmen ki San shaphang ka tynrai longsan mansan jong ki Laloo kiba bat ia ka iktiar Sango ha Raid Mawthoh bad jong ki Khomdeit kiba bat ia ka iktiar Pator ha Raid Mathan.

Ka Raid Nongtluh ka dei kawei na ki Raid kaba hap hapoh ka Hima Mylliem Ha kane ka Hima, ia ka sa n dorbar la pynshong nongrim ha ki lai kyrwoh ban pynaid ia ka synshar khardar. Kata ka mut Shnong, Raid, bad Hima. Ki Shnong ki pynlong ia ka Raid, bad ki Raid ki pynlong ia ka Hima. Ia ka Raid Nongtluh hapoh ka Hima Mylliem la ju tip kum kawei na ki "SawRaid Phra Shnong". Kiei kita ki

saw tylli ki Raid bad kiei kita ki phra tylli ki shnong ka por kan sa pynbatai lem lyngba ki khulom ksar jong u lane kiba la kot ia ka rynneng 1y1 iot kiba ia ryngkat bad ka deiti jong u Bah Donbok T. Laloo, u nongpynlum ia ki kha-na parom ban pynsah kynmaw ia ki longdien mandien ba kin tip ba pleng don ho la ka jong ka tynrai, ym dei ban shu rieh tngen tang ha ka sngew khyannah ka sah khyllung, naba uta uba kham iar ka jingtip ia ka jong kiwei pat, u n poi kynmaw iade ba u dei tang u tynneng khyllah. Ka tynneng khyllah ka dei tang ka jingkmien toh-hoh ia ka jingpynkoh jong kiwei pat kiba kwah ban pyn-nguid tang la ka jong.

Haba nga kum kynmaw ia kito ki khyllip-mat mynba nga ia kum ia kynduh nyngkong nyngshap ia u Bah Donbok T Laloo myn khat-hynniew snem mynshuwa hapoh ka karkhana shonkot "North East Industrial Co-op Printing Press" ba u la wan ban phah shon ia kawei ka kot lyngkdop kaba iadei shaphang ka Thymmei ki Diengdoh bad ki Laloo, nga la kum ioh ia bnop shaphang ki dieng pynkiaog kiba u la ia kynduh ha ka jingiadei bad "Ka Rongbiria U Hynniewtrep", pynban kum ka jingksam jong ka Umpohhiew kam shym la don jingwit ei-ei ruh ia u Bah Donbok T Laloo ban iai tuid hin ha la ka jong ka lynti. Sngew donbok ba ym shym la kha ia u sha Ri Sepngi, ka Ri kaba ju pynshlur ban kyntiew ia ki sap bapher bapher. Naduh nangta ter-ter u Bah Donbok T. Laloo, wat la teng-teng um sngew lah kyrda shuh ia ka bor

jong ka jing-lynsher ka marfang, pynban u jaineh skhem kum u Diengblei uba shuwa ba un sei kliar shajrong u da ngam jylliew shuwa nadub tynrai.

Ngam sngew ar-tatien ba ka shalyntem ka-ba u Bah Donbok T Laloo ula khyllie ban niat artet ia ka sha kliar lum kan pynskhuin ia kiwei pat ba kin iai bud dien ban kyrshan lem ba katta ka Shalyntem kan nym tuid arsut sha riat.

Mawpun,  
Pynthorumkhrab,  
Shillong  
13th Lber, 1995.

B Nishan Wahlang,  
Secretary,  
Dorbar U Syiem  
Hima Mylliem.  
Mawkhar, Shillong.



Ka Waitlam u Zori (Jon)  
Pator Laloo  
Ba la ai Burem  
da u Bormanik Syiem



## **Jingkdew**

<b>Lynnong</b>		<b>Sla</b>
1. Raid Nongtluh	—	1
2. Kur Manih bad Matong	—	51
3. Kur Malai	—	59
4. Kur Khomdeit	—	70
5. Ka pateng ki san kur bad ki Syiem	—	80
6. Ki shnong kiba hap hapoh ka Raid Nongtluh kumba long mynta—		83





## Ha ka jingwad jong nga

Ki Raid ka Hima 12 Lyngdoh kum ka Raid Ri-neh kaba ki khot mynta ka Raid Nongpoh, ka Raid Nongkhrab, bad ka Raid Nonglyngdoh, ki iathuh ia ka khanatang, ba ki la phetwir noh na ka hima Sutnga na ka daw ba u Syiem ka hima Sutnga jong kata ka por ba ki phetwir, dei u Syiem runar uba dib da ka umbun ki thei 'lungkhun bad haba u thiah pat u ju syngkhien khlieb bad syndahjat da ki khyllung khnang ban pynsyaid ia u.

Kat kum ka khanatang jong ki nongseng bad ki longsan mansan jong kitei ki Rato, ka paw shai kdar ba ki la dei ban ia kynduh shibun beh ki jingeh ha ka jingraphetwir jong ki, shuwa ba kin loh ban seng ia la ki jong ki Ri ki Raid ba kiba ki shong ki sah mynta. Kawei na kita ki jingeh kaba baroh baroh ki iathuh khlem don jingrapher, dei kaba pynkhet ne klan ia ka wah Umkhen bad dei lyngba ka jingfarap jong ka Syiem Klengmikar ba ki sa lah ban klan sha shiang jong ka. Kiba kwah tip kham bniah ia katei ka khanatang, ki lah ban tula ia ka kot kaba kyr-teng ka Sajer (Raid Nonglyngdoh), ka Ri-Heh bad u Pantah.

Kaba phylla ban tip ba ka kur Laloo ruh lem bad kiwei pat ki kur, ki la hap ban klan ia ka wah Umkhen, khnang ban lait na ki

kam runar jong u Syiem Sutnga. Īa ki nongseng jong ka Raid Nonglyngdoh, ka Syiem, Klieri ar (don kiba kynnoh Klengmīkar, don don pat kiba kynnoh Klengmīkar), ka kylla diengnah ban pun jingkieng, khnang ba, kio lah tan poi suk sha shiliang wah. Īa ki nongseng jong ka Raid Ri-Hēh bad ki jong u Dakheji Dakhajong kiba long ki Lyngdoh jong ka Raid Nongkhrāh pat, ka syiem Klengmīkar ka pun jingkieng da la u jong u thyl-liej bad kumta ki la iaid suk bad lait sha shiliang wah, hynrei kumno ka Kur Laloo bad kiwei ki kur ka lah ban klan ia ka wah Umkhen? Bad kumno ka kur Laloo ka kylla long ka nongseng jong ka Nongbah ba ar jong ka Raid Nongtuh ha khyndew Mawdaloī? Ka khanatang ba la ioh lum ka iathuh kumne :-

## Na Hima Sutnga sha Raid Nongtham

Na ka daw ki kam runar bad jingleh beīñ jong u Syiem Sutnga Īa la ki jong ki khun ki hajar, bun na ki Kāñi rangbah jong ki kur bapher bapher kim kwah shuh ban dang sah hapoh la ka jong ka Hima. Kumta ki rai ban phet noh jar jar da kaba ialam lang Īa la ki jong ki para pyrsa kat kiba mon sngewbha ban bud ia ki. Ha kata ka jingīaphet wir, ki la dei ban iaid bad sngi

bad miet; ioh ba ki briew u Syiem kln lap dien bad pyniap ia ki. Hapdeng jong kita ki kur ba ia phetwir don lang uwei u Kñi kur Laloo uba ki sin u Buaid Laloo, Une u long u Kñi rangbah uba ka kur Laloo bad kiwei pat ki kur ki shanih namar u long u rangbah uba iohi jngai, uba don ka sap Blei bad uba kloi ban iarap para briew.

Ka jinglaid lynti kaba jynjar sat, namar dang rben ka khlaw bad dang bun ki mrad ki mreng runar ba laiphew jait, hvnrei hapoh ka jingialam ba stad jong u Buaid Laloo, ki la lah ban iaid lyngba ka Wah Kulong bad poi tiap haduh ka wah Umkhen Hangta la dum ka buit ka stad namar ka jingiar, jingheh bad ka jingjylhew jong kata ka wah.

“Kumno ngin pykhet ia ka Mynkhen?” mih ka jingkylli na ki paid. Bun na ki kiba bah khunrlt, bun sa ki khynnah kynthei bad shynrang, ki para pyrsa ba la ia thait lypa. Ban da ka bor briew te yn ym don ba lah ban klan ia ka. U Buaid Laloo u ngapjar shiphang. Nangta u lum ia la ki para pyrsa Laloo baroh bad u sdang ban duwai ban phirat, ban nguh ban dem, ban khot, ban ud ban nam, ha ka Blei ka Synshar, ka Syiem Wabuh Watho, ba lada Ka hun Ka mon ba kin ioh ia ka jong ka Ri ka Raid kan pylait ia ki paidbah baroh na ka jingma kaba ap ia ki bad Ken plie lad ia ki khnang ba kin lah ban klan sha shiliang jong ka

wah. Ka nguh Blei duwai Blei lem bad ka  
iasaid ia thew ha u Nibah Nisan jong ka kur  
ka jait kam shym sepei.

Katba u paidbah u dang ia ap aïu u Buaid  
Laloo un bthah ia ki, la wan mih uwei u Thlen  
(Bseif) uba radbah ka jingheh jingjrang Uta  
u Thlen u jngi ia kata ka wah bad ynda ka  
khlieh jong u ka la poi sha shiliang jong ka  
wau, u dem pen - ly - pen bad pun jingkieng  
ia ki. Hangta u Buaid Laloo u sa bthah ia  
ki ban iaid nalar ka met jong uta u Thlen  
bad baroh ki la ia lait suk sha shilliang jong  
ka wah Umkhen.

Ynda la ia poi lut baroh sha shilliang  
wah, u Buaid Laloo u pynlong ka jingkhia  
jingkhrim ban sngewnguh ia u Blei Trai Kyn-  
rad bad u da suit da shor bad ai bam ai dih  
ia u Nibah Nisan, ki syngi syrwet, ba ki  
la ia kit ia bah ia la ka kur ka jait bad  
ba la lait suk ki paidbah sha shiliang wah.  
Naduh katei ka por ki Laloo kiba don ha-  
poh ka Raid Nongtluh ki sa ai niam ha u  
Thlen, namar ba u Nibah Nisan, lane u Kni  
rangbah u la wan ban pyllait im ia ki ba ka  
dur jong u Thlen. Dei ruh naduh katei ka por  
ba ki Laloo jong ka Raid Nongtluh ki kheif sang  
ban pynlap ia u Thlen bad lada jia ba ki  
lap ba la don ba pynlap ia u, kim ju bit ban  
ieh kumto, ki dei ban da tap sla khyndiat  
khynsoit halor ka met jong u, kum ka bu-  
rom ban kynmaw ia ka jingpynlait im ia ki  
ha ka dur jong u Thlen.

Ym pat lah ban ioh jingtip thikna ia kiwei pat ki kur ki jait kiba la ia phetwir lang bad ka kur Laloo bad ngim pat lah ruh ban ong shano ki krah ynda la klan ia ka wah Umkhen. Kaba ngi tip ka long ba u Buaid Laloo bad la ka kur Laloo ki leit poi sha ka iaka kaba ngi khot myhta ka Raid Nongtham, kaba hap mynta hapoh ka Hima Khyrim. Ha kane ka jaka ki Laloo ki shong suk shong saiñ katto katne snem, hynrei kim ioh satia ia ka nam Longsan mansan, namar la don lypa da kiwei pat ki kur kiba synshar ia ka.

Ha kawei ka sngi, u Buaid Laloo u luh u khan bad u kylli pythrew na ka Blei ka Synshar, ka Syiem Wabuh W tho la ka dang dei ne em ia u ban dang leit wad jaka shawei pat bad ban ioh la ka jong ka Ri Raid, ka bok Longsan mansan. Ka luh ka khan ka pyni shai kdar ba u dang dei ban leit wad. Kumta u lum u lang la ki para pyrsa bad u pynsngew pynsngap ba ki ba u kwah ban dang leit wad ia ka Ri ka Raid, ka nam Longsan mansan, hynrei am pynhor ia ki ban leit bud ia u, namar ki shong suk shong saiñ ha ka Raid Nongtham.

Katto katne na ki para pyrsa jong u Buaid Laloo, ki beit ban bud ia u kat shaba un ialam ia ki. Kiwei pat ki suk ki hun ban dang sah shwa ha Raid Nongtham, Kumta u Buaid Laloo bad ki para pyrsa kiba mon sngewbha ban bud ia u, ki mih noh na Raid Nongtham ban leit

wad jaka shawei pat, bad u ieh noh ia kiwei pat ban dangsah ha Raid Nongtham, hynrei kine ruh hadien ki phet noh bad leit poi sha Raid Nongtung. Na Raid Nongtung pat, ar ngut shi - para ki phai biang sha Raid Nongtham, katba kiwei pat ki sah hi ha Raid Nongtung. Kiba poi sha Raid Nongtham ki loh jaka puta bad ka nam Longsan, ka nam Man kiba sah ha ka Raid Nongtham ki dang don haduh kine ki sogi bad ki long ki trai ba katei ka jaka.

## U Trait Syiem Chenter

Ha kane ka sien ba u Buaid Laloo bad katto katne ki para pyrsa ki mih na Nongtham, uwei u briew uba kyrteng u Klong Ingjal u la bud lang ia u Buaid Laloo. Ha ka jingiaid lynti jong ki ban wad jaka puta, ki la leit poi sha ka Nongbah Nongtluh kaba don ha Umlaram Umshachngar, ka jaka kaba don hajan kawei ka nongrit kaba ki khot mynta ka shnong Jermanai, Raid Nongtluh. Shwa ban rung ha Nongbah, u Buaid Laloo u phah ktien sha u Trait Syiem Chenter ba u kwah ban ia kynduh ia u.

Ha kane ka por, ki Nongtluh ki dang shong dang lang barob hapoh ka Nongbah, namar ki sheptieng ia ki mrad khlaw bad ki nongshun kiba lah ban hiar thma kynsan ia ki ha kano kano ka por. Ki jait kur kiba la don lyfa ha shwa ban poi u Buaid Laloo

ki long ki jait Syiem Chenter, ki Ma—ngu, ki Ma ksar, ki Mawluh, ki Mawbai, ki Syriang, ki Mathalang, ki Mawphniang, ki Kamar, ki Makdoh, ki Kling, ki Taltong bad Makriah. Kitei ki kur kim pat tip satia ia ka niam ka rukom. Ka Nongbah jong ki dei kaba shu ker malu mala b d kim pat don ka Kut ka Khyrdop, ka Kharai ka Palit, ki Mawniam Mawdur, ki Mawbyinna Mawshyieng.

U Syiem uba synshai ia ka Nongtluh ha ka por ba leit poi u Buaid Laleo ha Nongtluh dei u Trait Syiem Chenter. Une u Syiem u long uba khlañ katta katta. U 'ñiuh khlieh jong u, u long rben bha bad u jrong haduh san dieng rynthieh thma ( rynthieh ba san mat ). Nalor kata, u don ruh ka sap ba kyrpang ba ki nongshun kim lah satia ban pynmynsaw ne pynlap ia u. U long u Syiem uba bha b d uba iet hok ia la ki jong ki khun ki hajar. U long u khlawait uba khlañ tam ha ki snai ki rta jong u. Da ka jingiarap u shñiuh khlieh jong u, u lah ban rynsied shisjen rynsied lane shisjen sei bor haduh kumba khyndai spah pruh.

Ha kawei ka sien katba ma u bad la u paralok ki dang ia trei ha lyngkha kba kaba don ha khar lum hajan ka wah Umta, la mib ka jingia-kop iet paralok ban ia dih mar shi jhoh (mar shi tyndong siej ba ju dih um ne dih iad-um ki Khasi ha Bhoi) ia u nei bym pat tylliat, tang ba dei ban dih kumba dih ia ka um. Ha kata ka jingia-kop, la dih shwa u Trait Syiem bad u dih lut

phoiñ baroh shijhoh khlem don kano kano ka jingwit. kumta sdang dih sa uta u paralok jong u, hynrei kyndit kynsan, sah jngan u nei ha u pdot jong u bad u kyrthat duh mynsiem kum ban lap.

Haba u Trait Syiem u iohi ba u paralok jong u un sa lap shisha, u shim ia ka jhoh ban leit tong um khnang ban ioh pyndih ia la u paralok, hynrei namar bym don um ha lyngkha, u Trait Syiem Chenter u rypsied thiaw shisien rypsied naduh lyngkha kba baduh saipdem bad tong um na ka wah Umta. Ynda la tong, u sei bor bad rypsied biang thiaw tang shisien rypsied ia ka jaka ba u tong um bad leit poi tiap ha ka jaka ba don u paralok bad u pyndih ia u da kata ka um khnang ban lait jngan nei. Kumta u paralok jong u u lait na ka jinglap. Ka jingjngai katei ka jaka ba u Trait Syiem u la kynthih ka palat ia ka khyndai spah pruh.

## U Trait Syiem Chenter bad u Buaid Laloo

Haba u Trait Syiem Chenter u ioh khu- bor ba u Buaid Laloo bad la ki para pyrsa lem bad u Klong Ingjal ki wan poi ha ka Hima jong u bad ba ki kwah ban ia kren ia syllok bad u, shisyndon u phah shaw bad pdiang sngewbha ia ki. Hangta la don ka jingleh burom ia ai burom ba markylliang Ha ka jinglakren hapdeng jong ki, u Trait Syiem u



sngew phylla shibun eh ban tip na u Buaid Laloo kumno ba lyngba ka luh ka khan, u la tip lypa shaphang ka jingbha jong u kum u Syiem ka Raid Nongtluh. Hangta u Buaid Laloo u batai shaphang ka luh ka khan, ka kña ka khriam, ka mawniam mawdur, ka mawrynieng mawknor, ka tiam ka rukom, ka kut knyrdop, ka kharai ka palit bad kumtater ter.

Haha u Trait Syiem u la iohsngew shaphang kitei kiei kiei, u la pynbor ia u Buaid Laloo ban ia shong ia sah lang noh ha Nongtluh bad u kular ban ai ka khyodew ka shyiap bad ka nam Kongsan ha u Buaid Laloo bad ha ki pateng jong u khlem kut khlemwai, lada u Buaid Laloo u kular ban hikai ia ka niam ka rukom, bad kumno ban shna ia ka kut ka khyrdop, ka kharai ka palit ha ka Nongbah Nongtluh. U Buaid Laloo u luh u khan shwa ban pdiang ia ka jingtyrwa u Trait Syiem. Ynda biang, u sa pdiang bad kat kum ka kular, u la hikai ia ka niam ka rukom bad hikai ruh ia ki Nongtluh kumno ban tih ia ka kharai ka palit, ban ker kor ia ka Nongbah bad ban shna ia ka khyrdop, khnang ba ka Nongbah Nongtluh kan long ka kut kaba skhem.

Ynda la tip bad nang ia ka niam ka rukom bad la dep shna ia ka kut ka khyrdop, ka kharai ka palit, u Trait Syiem Chenter u lum dorbar ia la ki para pyrsa, ki khun ki hajar baroh kat kiba don ha ka Nongbah Nongtluh. Hangta u pynlong ka luh ka kban, ka kña ka

khriam kat kum ka niam ka rukom ba la hikai  
da u Buaid Laloo.

Dei ha kata ka jingleh niam ba u pynbna  
paidbah ba un bat ha lade tang ia ka kam kum  
u Syiem Synshar bad u thung syiem niam ia la  
u jong u para, u Iang Syiem Chenter. Ia ka  
kam Syiem-sad, u pyokhamti ha ka Rusa Syiem  
kaba long ka pyrsa trai jong u. Ynda la oep  
kitei ki kam, u pynbna paidbah ba naduh kata  
hi ka sni, la thung Kongsan ia u Buaid Laloo  
had pateng la pateng ia ka kam Kongsan ha  
Nongtluh dei ban shimti da ka kur Laloo na ka  
iang jong u Buaid Laloo Nangta u sa ai sa ka  
khyndew ka shyiap kat kum ka jingiateh kular.

Ynda u Buaid Laloo u la shimti ia ka kam  
kum u Kongsan jong ka Raid Nongtluh, u la ai  
buit ia u Trait Syiem Chenter ban nang pynphuh  
pynphieng ia ka niam ka rukom, ka synshar ka  
khadar. Kumta la thung ia ki san ngut ki Lyng-  
doh, hvnrei ym pet lah ban ioh jingtip bathikna na  
kano napdeng ki kur ki ba don hapoh jong ka Raid  
Nongtluh ia kiba la tang Lyngdoh lait tang ia ka  
jait Laloo, ban ia don kti lang ha kaba pynlaid  
ia ka Ri ka Raid, ka niam ka rukom, ba kin ia  
synshar ia bisnar lang a ka niam ka rukom, ka  
It ka Hima bad la tip ia ki kum ki San Lyngdoh  
San kum. Da ka jingdon jong ki San Lyngdoh  
San kum ryngkat bad u Trait Syiem Chenter, ka  
Raid Nongtluh ka phuh ka phieng ha ka niam  
ka rukom, ka synshar ka khadar bad ki khun ki  
hajar ki biang ka jingkoit jingkhiah, ka ioh ka  
kot, ka spah ka hajar bad ka nam ka burom.

## U Klong Ingjal

Kumba ngi la iohi sha khmat ba u Klong Ingjal u la bud lang ia u Buid Laloo bad u la sih lang ha Nongtluh. Une u briew um don 'ñuh khlieh, u syllen ka khlieh bad don tang u 'ñuh thong na tyrwiang khlieh bad kawei ka kjat jong u ka kham rit ban ia kawei pat. kumta u lam dkoh malu mala. U long uba sianti bad uba pnah thyliiej. Ka burom ba ki Nongtluh ki at tang ia ki San Lyngdoh San kum, khamtam ia u Buid Laloo kum u Kongsan jong ki, katba ia u pat i kumba kim kheiñ briew, ka la pyning khong bad pynsat mynsiem ia u. Ka Bishni ka sdang ban shong thynriew ha ka dohnud jong u kat haduh ba u smai u spot ban pynjot thiaw ia ka Nongbah Nongtluh. Hynrei u leh sian bad um pynpaw sniew eiei, u phnieng oa ka shang khawiah kat haduh ba u la lah ban pynshoh bieji ka Rusa Syiem-sad ban iapmat ia u.

Kumba ju don ka dustur, ka Rusa Syiem-sad ka pynpaw ha la u Kñi ba ka kwah eh ban shim kurim ia u Klong Ingjal. Kumta u Trait Syiem u phah sbob phah kheiñ, phah luh phah khong ha u Diri Dikhnong ban kheiñ ban bishar la ka biang ne em ba u Klong Ingjal un long Kongngor syiem ban lngkha longman. Ka shat ka kneiñ kam pyni satia ia ka dak ka shin kaba shai kdar Wat la katta, kbngan ban pynsgewbha ia la ka pyrsa, u Trait Syiem Chenter u phah leit shaw ia u Klong Ingjal ban long u tnga jong ka Rusa.

Ka poikha poiman hapdeng u Klong Ingjal bad ka Rusa Syiemsad, ka dei ka saiñ dur kaba u Klong Ingjal u la phnieng lypa, khang ba un ioh pyñjot tbiaw ia ki Nongtluh. Na ka bynta katto katne snem, u Klong Ingjal um shym ioh lad ban pyntrei kam stet ia ka jingthmu ba sniew jong u, namar la kynoi ia u da ka burom Kongngor syiem, hynrei namar bym ioh khun ioh ki kumba long lem ki para briew. bad ba ki shnong ki thaw ki kren rieh hangoe bangtai ba u dei u 'raid-wei, ka jingbitar jong u ka kiew syndon puk haduh shynrong khieh bad u kan de sia hapoh la ka mynsiem bad u nang saiñdur shuh shuh kumno ban ioh pyndep kloi ia kaei kaba u la smai la spot.

Hapdeng ka lynga pisa mynsiem kumno ban ioh pyñjot kloi ia ka Nongbah Nongtluh, la plie kawei ka lad ia u Klong Ingjal, bad kata ka long ba u Trai Syiem Chenter u don jingmut ban hiar thma ia u Syiem Nongthneiñ uba synshar ia ka Plasha. namar ka jingpyndik palat ia ki nongleit nongwan ki bym dei na ka hima jong u. Ka dorbar ki San Lyngdoh San Kum ryngkat bad u Syiem, khlem kano kano ka jingsuba sniew, ki la sngewdei ban aiti ha u Klong Ingjal ba un long u nongpeit nongsumar ia ka kut ka khyrdop, ka kharai ka palit, kaba da ia ka Nongbah na ki nongshun Kane ka dei ka kabu ksar ia u Klong Ingjal, hynrei um kyrkieh.

Ban jop thma ia u Syiem Nongthneiñ kam long ka ba suk, namar ki khlawait bad ki shipai

ki swar jong u ki long kiba kblaiñ bōr katta kai-  
ta Kumta u Trait Syiem Chenter u ia syllok  
bad u Syiem Narleiñ bad ia wad buit kumno  
kin lah ban joo ia u, phewse kim man lap satia  
ia ka buit ba ia hun lang Sa shisien pat u  
Klong Ingjal u la nang loh lad ban pyndep ia ka  
jingthmu ba sniew jong u, hynrei ba ka por  
kam pat biang. Ka dang dei ka por ba un khring  
ia ka dohnud jong ki Nongtluh baduh ba kin da  
shanah tylli ha u.

U Klong Ingjal u tip ba u Syiem Nongtheiñ  
u leh donbor palat, U pyndik bad leh beiñ leh  
khoh ia ki nongleit nongwan kiba dei iaid lynti  
na ka Hima jong u. U tip ruh ba u Syiem  
Nongthneiñ u shna iing ba mar pdeng lynti.  
Ka iing kaba jrong palat arphew pruh na sla  
khyndew bad haba u loh ia ka ki nongleit nong-  
wan kiba dei iaid nangta, u jung, u eit, u byn-  
thiew, u kyrkbah ne biah da ka umbiah kwai ia  
kita ki nongiaid lynti.

“Nga wan hangne ha kbm̄at jong phi ki  
syiem” ong u Klong Ingjal ia u Trait Syiem  
Nongtluh bad u Syiem Narleiñ katba  
ki dang ia shong pyrkh̄at, “Ban tyr-  
wa kawei ka buit kumno phin lah ban jop  
suk ia ka thma pyrshah ia u Syiem Nongthneiñ.  
Bad u bataj artad ia ka buit bym dei ban hiar  
thma baduh ki sngi ba u Syiem Nongthneiñ un  
lehniām U da kular ia ki ba un pynbiang bl  
ma u nadong shadong ia baroh ki jingdonkam  
bad u pynthikna ha ki ba ynda ia dei ka sngi ia

leh kin shu jop beit khlem kano kano ka jingeh.

U Trait Syiem bad u Syiem Narleñ ki myn-  
jur la ka jingai jingmut jong u Klong Ingjal bad  
ki aiti ha u ban pynbiang ia ki jingdonkam kat  
kum ka buit ba u la batai ha ki.

### **Ka Thma bad u Syiem Nongthue ñ**

Ynda la jan ki sngi lehniam Pynsum masi  
jong u Syiem Nongthneñ, u Klong Ingjal u  
bthah ia ka Iew, ka Lar, ka Wan Manin bad ka  
Pah Sakra ba kin shet kiad (Iad-um) Ha kane  
ka por ki Manih ki dang sah ba Lyngkdong  
Malowoi (Kad mathau). Kitei ki kantei baron  
saw ngut dei kiba stad bha ban shet kyad. U  
Klong Ingjal u bthah ia kitei ki kynthei nan shet  
ar jait ka kyad Shijait kaba bha bad shijait pat  
da ka kiad rynda (Ka kyad ba shet lang bad ka  
sla ryndia).

Ynda la biang ka jingpynkhreh, ki khlawait  
Nongtluh bad Narleñ ki ap sa tang ia ka sngi  
ban loh pyntrei kam ia ka jingabuit u Klong  
Ingjal. Ka sngi Iew Barbhun kaba don ha kata ka  
por ka Kamrup ka la poi bad ka dei artad ka sngi  
leh niam ba phuh ba phieng jong u Syiem Nong-  
thneñ. Kumta ki khlawait Nongtluh bad Nar-  
leñ lem bad kita ki kynthei nong shet kyad ki  
leit Iew da kaba Iaid lynti na ka jaka lehniam

jong u Syiem Nongthneiñ bad ki kit lang ia ka ky:ad ba ki la khreh lem bad ka ja ka doh. Ynda poi, ki khlawait Nongtluh bad Narleiñ ki kren bra kren miat ia u Syiem Nongthneiñ ki ong. "To ngin ia dih ia bam sngewbha mar kyliang. Ka kyiad ka ja ka doh iong ngi bad ka jong phi ruh, ban pyni ia ka jingiasngewbha lang.

U Syiem Nongthneiñ um suba snieweiei, namar ba ka dei ka sngi lehniam kaba ki da ia bam sngewbha ba ryzakat ka shad ka kmen. Kumta u mynjur bad la don ka jingiadih ia bam sngewbha markvlliang. Ha katei ka sngi baroh ki khlawait bad ki shipai ki swar jong u Syiem Nongthneiñ ki ia don lang ba dei ka sngi lehniam Nyngkong la ia dih ia bam ia ka kyiad ka ja ka doh jong u Syiem Nongthneiñ, hadien kata, la ia bam ia dih sa ka kyiad ka ja ka doh jong ki Nongtluh bad Narleiñ. Haba la dei sa ka cali jong ki Nongtluh bad Narleiñ, kita ki kynthet saw ngut ki ai da ka kyiad ba bha ia la ki iong ki briew katba ia ki khlawait, ki shipai ki swar bad ia u Syiem Nongthneiñ ki ai da ka kyiad rynda.

Te ynda la dep ia dih ia bam sngewbha mar kyliang ki Nongtluh bad ki Narleiñ ki leit noh sha iew, Ynda la dep ban thied hait thied sker (thied ktung thied mluh), ki wan phai sha la shnong da kaba ia id na ka juh ka lynti bad ki lap ba u Syiem Nongthneiñ, ki shipai ki swar bad ki khlawait jong u ki la ia thiah buaid phar lyngkrang. Mar kumta ki shum ia la ki jong ki

waitlam bad ki pom pyniap lut phar. Da kata ka buit ki la jop thma ia u Syiem Nongthneiñ.

## U Klong Ingjal Bad U Syiem Sutnga

Hadien ka thma bad u Syiem Nongthneiñ, u Klong Ingjal u la ioh burom bad ion Pura ia ka jingshaniab jong ki Nongtluh. Mynta la dei ka por ban pyndep noh ia kaba u la thmu, Kumta u dem sia bad ba kane ka snem u lap ia ka buit kaba u thikna ban long kam kumno ban pynjot thiaw ia ka nongbah Nongtluh.

Katto katne sngi hadien ba la jop ia u Syiem Nongthneiñ, u Klong Ingjal u kyrpad ia u Trait Syiem bad ki San Lyngloh San kum ba kin shah ia u ban leit jngoh ia la ki kur ki jait kiba don ha Synteng, namar la slem um shym ia kynduh shuh ia ki. Ki ruh da ka jingkhuid mynsiem khlem suba sniew eiei; ki shah sngewbha ia u bad u Klong Ingjal u leit sha ka Hima u Syiem Sutnga.

Marsyn poi ha Sutnga, ki briew jong u Syiem Sutnga ki kem ia u bad ki leit ialam ia u ba kbmam u Syiem ban bishar ioh ba u dei u nong-syntiat ia ka muluk ka jaka ka Hima sima jong ki. U Klong Ingjal u la tip lypa ba kin kem ia u bad u leit da ka jingkmén, namar u tip ba ka jingthmu jong u kan sa long kam.



Ynda poi ha khmat u Syiem, la tian bishar  
 Ia u Klong Ingjal bad dei hangne ba u Klong  
 Ingjal u pyndonkam ia la ka buit sianti ban ai bih  
 ia ka jingmut jingpyrkhat jong u Syiem Sutnga  
 "Syiem bakbraw batri, nga dang wan na Nong-  
 tluh" u jubab leh rit "Ka nam jong phi kum u  
 Syiem Sutnga kam long eiei ha khmat ka duwan  
 jong u Syiem Nongtluh kaba don ha Thangksi-  
 wor-shaki (wah Umta). Baroh kawei ka ma-  
 dan la siang tang da u suwai (shyiap) ba itynnad.  
 Ka iing syiem jong u kaba iphuh iphieng katta  
 katta bad ka dap da ki jingbuh jingsad ba kor-  
 dor," Nangta u sangeh shiphang kum ban ai  
 por ia u Syiem ban pyrkhat bad da kaba kyr-  
 ngah suki ia ka khleh kumba johi ngai ia kaei  
 re kaei u bteng biang u ong.

"U Syiem Nongtluh dei uba stad uba khraw  
 shisha. Tang ka jaka sum ki syiem ha Umla-  
 ram rub kaba heh dāñ-ly-dāñ. Ka madan sum  
 baroh kawei la siang da u suwai. Ia ka um pat la  
 ring na jrong da ki stej bad ka noh shyngiar ha  
 ka jaka sum kaba la siang da ki maw ba ityn-  
 nad."

Katba u dang iathuh kumtei, u Klong Ing-  
 jal u nang peit artad ia ka dur khmat jong u  
 Syiem bad ki myntri bad u ithuh ba  
 ki artaten ia ka jinglathuh jong u.  
 Kumta da kaba kylla ka sur kren u pynshisha  
 bad u kop ia ki u ong." Phim ngeit Syiem ? Ia  
 ngin ia leit lang". Nangta da ka sur myllung  
 kum ban sngew synei ia lade u bteng shuh shuh  
 bad u ong.

“Peit Syiem Kynrad baduh katne la sylen ka khlieh jong nga, namar nga hap ban kit shyiap man la ka sngi, ba bukom u Syiem Nongtluh ban pyndap ia ka jaka sum ki syiem” Bad u dem la ka khlieh khoang ban loh peit bniah u Syiem bad ki myntri jong u” Hyorei ngan leh kumno?” U kren bynniaw, nga dei tang u nongwei. Lada ngam kit, ki pynshitom, ki shoh beifi ia nga palat ban ia u mraw. Lehse ki leh khnang ba ki tip ba nga dei u khun u hajar jong phi.”

Ki kyntien jong u Klong Ingjal ki la ngam ha u Syiem Sutnga bad u sngew bishoi ban tip ba u Syiem Nongtluh u kham khraw ka nam bad kham stad ban ia u. Ki kyntien pynkut jong u Klong Ingjal ki shai kdar ba u Syiem Nongtluh u pynshitom beifi ia u Klong Injal na ka daw ba u shun ia ki syiem ka Hima Sutnga. Kane ka pynbitar tik ia u Syiem Sutnga. Kumta u lum Dorbar bad u khreh ban hiar thma ia u Syiem Nongtluh da kaba u ia sylla bad u Klong Ingjal ba un long u nong ialam lynti jorg ki.

## Ka Jingpynjot Ia Ka Nongbah Nongtluh

Ynda la khreh nadong shadong, U Klong Ingjal u ialam lynti ia ki khlawait u Syiem Sutnga bad ynda la jan poi ba Nongbah Nongtluh, ki ia leit peit syntiat nalar lum. Nangta u Klong Ingjal u sa batai ia ka lynti ka syngkien ban rung shapoh ka Nongbah bad u bthah ia ki ba kin ia

rieh shwa sha khlaw haduh ban da miet bha. Hadien kata u sa leit rung hi marwei shapoh Nongbah

Ki Nongtluh kim suba sniew eiei ia u Klong Ingjal. Ki kmen pynban ba u la wan phai, u ruh kumjub u leh kmen leh sngewbha ban pynpaw ba u sngewhun mynsiem ba u la poi sha shnong ka tnga jong u, phewse ha ka jingshisha, u kmen namar ba ka jingtbmu jong u kan sa long kam sa tang shipor ar por.

Ha katei ka janmiet, u Klong Ingjal u ioh khubor ba u Trait Syiem Chenter um don ha Nongbah ba u dang leit sha Ri dkbar. Ha Nongbah don tang u Iang Chenter u para jong u Trait Syiem badi u Ngaid Chenter u pyrsa jong u bad kiwei ki kur Syiem. Ki Khlawait Nongtluh bad ki khun ki hajar te kumba ju long ki don hi baroh hapoh ka Nongbah Yoda janmiet bad sdang dum, u Klong Ingjal u leit ban shongkai bad ki nongap khyrdop bad u rah kyriad ban ia dih sngewbha bad ki. Ki nongap khyrdop ruh da kaba shan ah ia u, ki dih ia kata ka kyriad, katba ma u pat um dih, u shu leh mynleh kumba dih, phewse u theh sha madan.

Ka kyriad ka trei stet la ka kam, namar u Klong Ingjal u la ai ia ki nongap khyrdop da ka kyriad ryuda Kumta tang shiphang ki nongap khyrdop ki la thiah buaid phar lyngkrang. Wat la katta u Klong Ingjal um leh kyrkieh, u ap haduh ban da kham miet bad ioh thiah lut ka shnong ka thaw.

Ynda la biang ka por, u Klong Ingjal u leit nlie ia ka khyrdop bad u leit shaw ia ki khlawait jong u Syiem Sutnga na ka jata ba ki reh. Marsyn ia kynduh ia ki, u ai buit ba kim b t ban thang ia ka Iing-sad Iingsunon bad ia ki fong ki sem kiba don hajan jong ka, knang ban long ka jingriam ia u Trait Syiem Chenter ynda u wan phai sha la ka Nongbah. Kumta hadien ka jingpuni buit bad ka jibgitarap jong u Klong Ingjal, ki khlawait jong u Syiem Sutnga ki loh lad ban rung suk hapoh ka Nongbah Nongtluh.

Marsyn rung hapoh Nongbah, ki khlawait jong u Syiem Sutnga ki tur kynsan puk. Ki rung sha man la ki thlew iing bad ki pam pyniap na phang. Ka jingdum jong ka miet bad ka sur kyang sur lyniar ki kynthet khynnah kiba phet sakma shane shatai, ka nang pynkulmar jingmut ia ki khlawait Nongtluh kiba kyndit rumma naba thiah. Wat la katta, ki pyrshang ban ia shan satar hi triang bad da ka jlogshlur jong ki, bun na ki Nongtluh kiba don hapoh Nongbah ki la loh lad ban phet. Hynrei bapli kim lah ia shan slem bad uwei hadien uwei pat ki kyllon iap ha ka jingialeh. Katba kiba lait na ka kti jong ki khlawait u Syiem Sutnga, ki phet kulmar ha ka jingdum jong ka miet bad ki poi sakma sha khlaw sha btap sha krem sha kroh sha lum sha wah.

Ha katei ka miet ba shyrkhei, ka pyrsa u Syiem Chanter kam pat loh thiah ba ka dang byrngia la ka thir ksai bad ba u tonga jong ka, u Klong

Ingjal um pat poi ling, byareï kyndit kynsan ka  
 iohsugew ia ka sur lyniar ki kynthei khyannah,  
 bad ka sngew pher kumno re Ha lade ka suba  
 la don nong shun ha poh Nongbah, bynrei kam  
 nud satia ban kyrsiew thiah ia la ki kñi ioh ba  
 ioh sngew ki nong shun, kumta ka la shu kynud  
 sur ryngkat bad ka thir ksai khang ban pyn-  
 sngewthuh ia la ki kñi ba ki nong shun imat ki  
 la ioh rung hapoh Nongbah Wat la kumta ki  
 kñi jong ka kim kyndit satia. Hamar kata ka  
 por, ka ioh sngew ba ki nong shun ki la poi ha-  
 jan bad kam ioh por shuh ban phet Kumta ka  
 phrung jubor na ka tyrpait iang ling shapoh  
 khrum bad sha rhyllaw, hansta uwei na ki khla-  
 wait Laloo u la ioh lad ban tap lup pynsted ia  
 ka da ka shyngoid sniang, bad u ieh ia ka hang-  
 ta ban leit iarap sa ia kiwei pat Hynrei um  
 shym ioh lad shuh ban wan iarap ia ka, namar u  
 la iap noh ha ka jingfaleh,

## Ka Thma bad u Trait Syiem Chenter

Ynda la pyojot pynpra bad thang ia ka  
 Nongbah Nongluh, ki khlawait jong u Syiem  
 Sutnga ki rich ap thap ban ioh pyniap sa ia u  
 Trait Syiem Chenter, namar kat kum ka jingtip  
 ba la ioh lypa na u Klong Ingjaj, dei ha kata hi  
 ka step ba u Trait Syiem Chenter un wan phai  
 na Ri dkhar. Thik kat kum ka jingtip ba ki la

loh, u Trait Syiem Chenter u wan poi dang step si a Nongbah Nongthluh bad u i phylla ba la ing lut ka shi ong ka thaw. Mar kumta hi u mareh stet sha Iing-sad ban wad ia la ki para pyrsa, hynrei ynda u poi, ka Iing-sad Iingsunon ka kynjah jlam jlam tad um i don briew shub ha shnong ha thaw.

Mar ia rung ma u hapoh Iing-sad, bluit mih ki kblawait jong u Syiem Sutnga kiba rieh ap thap lypa, ki da shad thma bad rah ba khmut ki waitlam jong ki ia ki khlieh biew ba ki la loh khrai. Ki shad kyrdem pyllun tawiar ia ka Iing-sad ha ryngket ka kynhoi ka risa ba ki la jop thma bad ki phawar kynkiw ba ki la pyniap lut ia ki khlawait bad ki khun ki hajar jong u. Hangta u Trait Syiem Chenter u sngewthub sai ba ki nongshun ki la wan hiar thma ia ka Nongbah jong u.

Shiphang u Trait Syiem Chenter u sngap jar, nangta da ka sur kaba jam u kynpien napoh iing ba um ngeit satia ia ka jingkob sarong jong ki ba ki la jop thma pyrshah ia u, pynban ki ia pyrtat bad kynhoi duhoi ba ki la jop thma ia u. Kumta napoh iing u jubab ia ki ba ba shwa ban bteng ia ka jingfaleh, u kwah ban da pynthikna ba loh don na pdeng ki kblawait bad ki khun ki hajar jong u kiba dang lait im. Ki khlawait jong u Syiem Sutnga ki la thikna ba ki la jop beit, namar kim pat tip ia ka bor jong u Trait Syiem Chenter. Kumta ki ai lad ia u bad khlem pyrwa ki bteng la ka kynhoi risa jop thma.

Khlem riej, u Trait Syiem Chenter u mih ha kynram khmat iing bad iohi ia ki khlawait jong u Syiem Sutnga. Nalor kata u iohi ruh ia ki khleh jong ki khlawait jong u Hin-ly-bin um ka mynsiem rangbah bad u pyrta ia la ki jong ki khun ki hajar bad khlawait jong u, hynrei kat shaha u phai u pyrta ruh ym don ba thie ba jubab ia ka jingpyrta jong u, lait tang ka sur mawsawa ba tym pang bad lung mynsiem kaba pyrthuh bud bad pyiar i, ki lum bad ki them da ka sur tym pang ba myllung ia ka jingkhoh jingpyrta tkudnud jong u ia la ki ong ki khun ki hajar. Toi ha ka jingshisha, do i ki khun ki hajar jong u kiba dang lait im bad rieh sha khlaw sha btap, hynrei kim nud jubab ba ki sheptieng ia ki khlawait jong u Syiem Sutnga. Kumta ha ba ki ioh sngew ia ka jingpyrta jong u Syiem jong ki, ki nang ia phet shuh shuh kham sha jngai, wat ka pyrta jong u kaba rieh hapoh shyngoid sniang ha phyllaw iing ruh kam nud jubab ba ka sheptieng palat.

Da ka jingdiaw mynsiem, u Trait Syiem Chenter toi u mut ban ialeh katba don ia ka bor ka buit, wat lada don tang iwei iba lait im, hynrei naba ym don ta jubab um sngew kwah shuh ban dang im khlem don lang bad la ki para pyrta ki khun ki hajar. Kumta u ong ia ki khlawait jong u Syiem Sutnga ba kin ap ba un da sum da sait, da bam da dih da ka bam saif bam sdieh ha shwa ba un ia leh bad ki, namar um kwah ban leit sha la ka Mei ka Iaw khlem da bam da dih,

Ki khlawait jong u Syiem Sutnga ha ka kmen ka sngewbha ka kynhoi ka risa jop thma kim da salia than wat la ki dei ban ap shipor ar por namar ki la ker kut ia ka ling jong u bad ki la thikna ba ha kata bi ka sngi kio loh ban rah sha ling sad ki Syiem Sutnga ia ka khlieh jong u Trait Syiem Chenter. Kumta ki ai lad ba un da sum da sait, da bam da dih kumba u kwah.

Ynda u Trait Syiem Chenter u la dep sum dep sait, dep bam dep dih, u mih biang ha kynram kbmata ling bad u ong ia ki khlawait jong u Syiem Sutnga ba la shwa ban faleh, u kwah ban da niew haduh katuo khlieh briew ki la loh ban khrai bad yn da niew u shem ta ki la loh khrai khlieh shispah ngut ki khlawait ba kysai jong u,

Haba ki khlawait jong u Syiem Sutnga ki lohi ba u Trait Syiem Chenter u mih bad la ka waitlam baradbah jong u, ki kynriah sharud bad sdang ban ker pyllun ia u da ka jylli ba iar daijly-dajly hynrei ym don ba nud ban kynrup ia u. U Trait Syiem Chenter pat um patiw ia ki u phai pyllun sawdong bad u peit ia kito kiba rah khlieh briew ha ki khmut waitlam jong ki, ki kbmata jong u ki lang ummat. Kata ka jingiohi ka la pynsat sia ia ka mynsiem rangbah jong u khamtam haba u lohi ia u Klong Ingjal ba u ia don lang bad ki khlawait jong u Syiem Sutnga.

Kum u Syiem uba ieit hok ia la ki jong ki khun ki hajar bad uba tip bha ia la ka jong ka



Nongbah, u shgewthuh shai mynta ba ka dei ka jingshet kylla jong u Klong Ingjal ba ki khlawait jong u ki shah khrai khlieh bein haduh katta katta Kumta u khot u pyrta tynggeh biang sa shisien ia la ki jong ki khun ki hajar loh dang don kiba lait im. Hynrei ha kane ka sien ruh ym don ba jubab, lait tang ka sur jong u hi kaba sawa lang ummat na kawei ka lang sha kawei pat da ka jingpyiar phalang jong ki mawsawa.

Ki khlawait jong u Syiem Sutnga ki tur lang sha u ban sdang nob ia ka jingfaleh. U Trait Syiem Chenter u lohi ba ki la thrang ban ia leh nob. Kumta u ong ha ki. "To ngo ia leh nob." Bad mar ia ong kumta, u law pynlait ia la u shhiuh ba u kyllai ha shynrong khlieh jong u. Ki khlawait jong u Syiem Sutnga ruh roit roit ki tur ban ia leh, hynrei u Trait Syiem Chenter u kynthih sha liang ka mon ban her ha sui da ka jinglarap jong u shhiuh jong u bad u pyrta jam.

"Ka kput namar ki kur ki jait jong nga." Bad u khrai haduh sanphew khlieh shisien kynthih. Nangta pat u kynting biang sa shisien kynting sha liang ka diang bad her ha sui da ka jinglarap jong u shhiuh jong u bad u pyrta jam biang. "Ka kput namar ki khun ki hajar jong nga." "Bad ha kane ka sien ruh da ka jingset kum ka leilieh u pam bad khrai biang sa sanphew khlieh briew. Nangta u kynting biang sha khmat jong u. Ha ka sien kaba lai pat u pyrta jam biang "Na ka bynta ka kput jong nga shimet". Bad u khrai bak ia ka khlieh jong u Klong Ingjal.

Ka bor ba maian jong u Syiem Chenter ka la pynkyiuh ia ki khlawait jong u Syiem Sutnga, bad ki la sdang ban khaweit ban ialeh ne tur pyrshab ia u, hynrei u Syiem Chenter um treh shuh ban ialeh pyrshab ia ki, lane ban pyniap shuh shuh ia ki, lait tang ka kput kaba u dei bok ban siew kyliang ia ka jingleh tuh leh klep bad jingshet kylla ia ki kur ki jait bad ki khun ki hajar jong u.

“Ngam myntoi eiei ban ialeh thma bad pyniap kai ia phi,” pyrtu u Trait Syiem Chenter, “namar ba ki kur ki jait bad ki khun ki hajar jong nga kim don shuh. Kumta ngan aiti mon sngewbha ia lade ha phi.” bad u leit dem pyllup ia lade halor ka shyngoid sniang ba don ka pyrsha jong u. Mar kumta, uwei na ki khlawait ba khlaiñ tam jong u Syiem Sutnga u pom arti da ka waitlam jong u na ka ryndang jong u Trait Syiem, hynrei ym lah ban pynmong wat tang malu mala ruh. Sa shisien ar sien u pyrshang, biaog, hynrei um lah. Kiwei ruh ki ia pyrshang hynrei ym don ba lah wat tang ban shu pynphler, ba rben bad jwat palat u ’ñiuh khlieh jong u.

U Trait Syiem Chenter u kylla noh bad thiah da lyndang khnang ba u stñiuh jong u, un ym kah ia ka ryndang jong u, phewse la u ai lad ba kin pom suk ruh ym don ba lah ban pynmong ia ka ryndang jong u. Khatduh, u Trait Syiem Chenter u ai ha ki da la ka jong ka waitlam bad ki sa lah ban khrai khlieh ia u. Ynda la khrai khlieh, ki khlawait jong u Syiem Sutnga

ki sa kynhoi risa bad rah ia ka khlieh jong u bad leit buh ha ka iing-sad jong u Syiem Sutnga, bad ka mynsiem samla jong u Trait Syiem Chenter ka leit her sha la ka Mei Iaw da kaba jaw-ummat na ka bynta la ki para pyrsa bad ki khun ki hajar.

Ha katei ka thma, baroh ki kur ki jait jong u Trait Syiem Chenter ki la lap lut lait tang ka pyrsa jong u kaba la tap lup da ka shyngoid sniang. Kane ka pyrsa jong u ynda la phet ki khlawait jong u Syiem Sutnga, ka phet bad leit shong shnong noh ha Markang, ka shnong kaba dang don haduh mynta bad ka hap shiteng ha Meghalaya bad shiteng hapoh ka Assam State. Ka jin*g*iathuh khana pateng ka iathuh ba katei ka Syiem-sad ka la lap noh tang hadien katto katne bnai hadien ba ka la poi ha katei ka jaka.

Karba lah ban ioh jingtip, katto katne na kiwei pat ki kur kiba la ioh lad ban phet ha ka miet ba ki khlawait jong u Syiem Sutnga ki thom ia ka Nongbah Nongtluh ki long ki kur Mawluh Mawbai, kiba leit poi sha Marmain, ka shnong ba shong ba sah ki Mikir kaba dang don haduh mynta, bad ki shong ki sah noh hangta, hynrei ym pat lah ban ioh jingtip kaba thikna la kitei ki kur ki dang don ne em mynta ha katei ka jaka. Ki kur Mangu, Maksiar bad Syrliang pat ki leit poi sha Raid Narleif, ka Raid kaba hap hapoh u Syiem ka hima Mylliem. Haduh mynta ki kur Svrliang kiba don ha ka Raid Narleif, ki dang iathuh khana ba ki dei kiba na ka Raid

Nongtluh bad ba ki la phetwir noh sha Raid Narleñ na ka daw jong ka thma. Kiwei pat ki kur ym pat lah loh jingtip sha kano ka jaka ki phet.

Kiba bun na ki kur Laloo pat ki leit poi sha Borbitli bad Tikria, ka jaka kaba don hajan Sunapur Kamrup. Ia kane la pynthikna, bad ki Laloo ki la don la ki jaka puta ha katei ka jaka, hynrei mynta ki kur Laloo kim don shuh ha katei ka jaka bad ia ki jaka puta jong ki la shim noh da kiwei pat ki briew kiba shong ba sah ha katei ka jaka. Ka Laloo ba khatdub eh ban phet shnong noh na katei ka jaka dei ka kmie u Zon Pator Laloo. Ka daw jong ka jingphet noh jong ka, ka long bym don shuh ki Kñi kiba dang tip ban pyndep ia ka kñia ka khriam jong ka kur. Ka kmie u Zon Pator Laloo ka wan phai biang noh sha Nongtluh ha ka por ba u Syiem Bormanik uba ar u long u Syiem jong ka hima Sbillong.

## Ka Jawjabidi

Nalor kitei ki kur Laloo kiba la leit poi sha Borbitli bad Tikria, don kawei ka samla kur Laloo ba dang samla kaba lait im da kaba phet kulmar marwei ha ka miet ba hiar thma ki khlawait jong u Syiem Sutnga, bad kata ka samla dei ka Jawjabidi. Katba paw na ka Riti Niam kaba ju leh ju kam ha Ri Bhoi, tang marsyn kba ia i khyllung, la i dei i shynrang ne i kynthei, u Kñi

jong ka kur uha long ruh u nongluh nongkhan,  
nongkria nong khriam ha la ka kur ka jait, u ju  
luh ju khen ban tip mano na ki kmie ki kfi ba  
la lap kiba wan kyrteng ha ita i khylluog ba  
dang kha.

Ynda la tip, ki sa buh kyrteng ia ita i khyllung da kata ka kyrteng lane da kano kano kawei pat ka kyrteng ha ka por ba ki pyndep ia ka piam buh kyrteng. Namar kata, ka paw shai ba ka Jawjabidi dei ka kyrteng ba la wan kyrteng ha katei ka samla na ka lawbei tynrai jong ka kur Laloo, kaba ngi tip kum ka lawshibidi.

U Kfi rangbah jong ka Jawjabidi. ha ka por ba pyndep ia ka lehoiam buh kyrteng, u la iohi bad lap ia ki dak ki shin ba phylla kiba pynpaw bu kata ka kyllung ka don ka jinglada ba kyrpang na ka Blei ka synshar. Ka kur Laloo ka tip ba ka Iabei tynrai jong ki ka Iawshibidi, ka la ioh haduh ar phew ngut ki khun kynthei khlem da ioh khun shynrang. Napdeng jong ki, don arngut kiba la ia tang bad ka Blei ka Synsynshar, ka Syiem Wabuh Watho. Kawei ka pan ia ka spah ka hajar, katba kawei pat ka pan ban khraw ka kur ka jait bad ka kular ban kfiia lane ai blang ha ka Syiem Wabuh Watho.. Kaba pan spah ka ioh spah, hynrei kamroi ki khun ki kti, katba kaba pan ban roi ka kur ka jait ka kha roi ki khun ki ksiew, hynrei kam riwspah.

Kata ka khun Laloo kaba kha roi ki khun ki ksiew ka phet noh sha Jowai bad kam lah

shuh ban ai blang namar ba ka duk. Kumta ka leit wad jingmut na kawei ka kynthai ba hiar Blei. Kata ka kynthai ba hiar Blei ka lathuh ba wat lada kamlah ban ai blang, pynban ha ka por ba la seng khun shi-bnai ar bnai, tad haduh ban da kha, ka dei ban duwai bad kynmaw ia ka Syiem Synshar, ka Syiem Wabuh Watho, khnang ban kha suk kha saññ, kha bha kha miat bad roi ka kur ka jait Dei naduh katei ka por ba ki kur kynthai jait Laloo kaba kynmaw ia ka Syiem Wabuh Watho naduh ka por ba ki seng khun haduh ban da kha, ki ju kha bha kha miat, kha suk kha saññ.

Ha kaba ia dei bad ka Jawjabidi, ka dak ka shin ba phylla ka long ba ka Jawjabidi, ym tang ba kan kha roi ba ka kur ka jait, hynrei kan ioh ruh kyrhai ka spah ka phew bad kan long ka nongseng ia la ka jong ka Ri ka Raid kat kum ka jingpynbiang ka Blei ka Synshar, ka Syiem Wabuh Watho

Ha ka miet ba wan hiar thma ki khlawait jong u Syiem Sutnga, ka Jawjabidi ka la samla bha bad ka la khlaiññ bha ha rep ka riang bad ka trei ka ktah, Ka Jawjabidi, kumba long lem katto katne ki Nongtluh, ka la ioh lad ban phet, hynrei ha ka jingphet kulmar shimiet shimiet fyngkat bad ka nguh Blei kyrpad Blei ban lait na ki khlawait jong u Syiem Sutnga, ka Jawjabidi ka leit hap ha kawei ka thliew kaba jylliew kaba ki khot ka "Krcm Pynieng" kaba don ha dym-miew Umtong ha u Lum Marsyrpem ka jaka ka-

ba don shaphang shhthie na ka khyndew Maw-  
daloj. Ka jingjylliew jong katei ka krem ka long  
ba donkam haduh san prudieng (prew dieng)  
ban toeh ban hiar sha trai bad san prudieng ban  
kiew sha jrong, U Blei Trai Kynrad um ju ieh  
noh sa ia kiba kyrpad kyrpon ia U bad da ka  
bor phylla jong U, ka Jawjabidi kam shym lap ne  
mynsaw eiei wat la ka krem ka long kaba jylliew  
haduh katta, bad ka lait im na ka jingthwet ki  
nong shun.

Ka Jawjabidi ka sah haduh ar snem hapoh jong  
kata ka krem tad ka im da ka bam ba phylla,  
namar ka Jawbeiblei ka la ioh bor na ka Blei ka  
Synshar ban pynroi bad pynneh pyasah ia ka  
kur Laloo ha ka Raid Nongtlub. Ka krem pyn-  
ieng la ka jylliew haduh kattei, pynban kam dum  
synia, namar ka jingshai ka shat shapoh krem  
lyngba ka thliew ba ka Jawjabidi ka hap bad na  
kiwei ki thliew rit kiba don hapoh jong kata ka  
krem. Nalor kata, hapoh jong kata ka krem  
don ka dew ktieh kaba ki khot ka 'Dew Hita,'  
don ruh sa ka Latara, u shyiap bad kiwei kiwei.  
Ka Jawjabidi ka im da kaba bam da ka dew Hita  
bad ka Latara.

Haba ong 'Dew Hita' ka mut ka khyndew  
baphylla ba kynja Blei. Ki Jha kiba stad haba  
ki khot kyrteng ia ka Blei ka Synshar na ka byn-  
ta ban ioh kano kano ka jingiarap, ki ju sdang  
kumne. "Ko Blei ko Synshar, *"ko Hita ko Hila"*  
bad ki sa bteng ter ter. Kane ka kyntien "Dew

**Hita,**” ka thew beit ia ka kynja khyndew Blei kaba long ban bam ban bsa. Lah ban ong ka kynja jingbam Blei.

## **Ka Jawjabidi bad u Nongmakriah**

Man la ka sien ba rang bha ka bneng, ka Jawjabidi ka ju mih ban shong pyngngad hajan kbm̄at jong ka krem bad ka ju rwai kynud byn̄iaw ia la ka jong ka jingshempap shem lanot jong ka. Ha kawei ka sngi synrai. katba ka Jawjabidi ka dang rwai kynud byn̄iaw, uwei u Mikir uba na Makriah u wan ot lamet na kata ka jaka, bad kum̄pa u ju leh, u rwai u siaw, u kmen u kynthib u padih padong. Kyndit kynsan u iohsngew ia ka sur ba sngewthiang jong ka kynthei kaba kynud myllung kaba wan na shapbang ka krem. Marsyn iohsngew, u sangeh ka rwai ka staw ka padih padong bad u sngap pynshah shkor bha, hynrei lap ka jingsheptieag bad u phet noh bak sha la shnong, hynrei um iathuh briew.

Ha ka sngi kaba bud ruh ka bneng ka rang bha bad uta u Mikir u leit biang sha jan kata ka krem ban pynthikna ia kaba u la iohsngew. Ha kane ka sien ruh u iohsngew biang ia ka juh ka sur kaba kynud sngewthiang bad sngew myllung baduh katta katta. Kumta u kylli jam “ Hei, pha dei kaei ? ka briew ne ka blei kaba shong ha kane ka jaka.”



Ka Jawjabidi ka lyngngoh ban iohsngew ia ka sur shyang briew bad ka hiar noh shapoh ba kham jylliew, namar ba ka sheptieug. Nangta na ka jaka ba ka kham sngew shugaifi da ka sur kumban ia ai reng ka kylli kylla ia u ka ong.

“Me dei u ei? U nongshun nongsyntiat? Me uba bha ne uba sniew. Balei me wan sha kane ka jaka jong nga? Nga la shong slem bad ym ju don briew u ban wan sha kane ka jaka jong nga. khie leit noh, wat ju wan shuh sha kane ka jaka jong nga.” Ka hukum ia u.

Uta u Mikir u jubab syier ia ka u ong. Ngam dei u briew uba sniew, lane u nongshun nong syntiat, nga dei u briew uba bha Pha pat pha dei kaei? ka briew ne ka blei”

“Ngam iathuh lynda me smai ba me dei da shisha u briew uba bha,” Ka jubab ia khing.

Uta u Mikir u kwah eh ban tip, namar ki sur myllung ba ka rwai kynud, ki pynmyllung ia ka dohnud jong u bad u smai u spot ha ki blei ki dken ba u dei da shisha u briew uba bha Ynda u la smai la spot bad ka Jawjabidi ka suba ba u dei u briew uba bha, ka sa jubab. “Nga dei hi ka briew, ngam dei ka blei”

“Balei pha shong pha sah hangne hapoh krem? Kylli u Mikir.” Mih hangne habar ba ngin ia kren.”

"Em, ngam mih lynda nga tip balei ba me wan shane. Me kren nangto, nga ngan kren pangre" Ka ia kbing, namar kam pat sngew shanjah ia u.

"Nga dei u Mikir uba na Makriah, nga wan poi shane ban ot sla lamet. Naduh mynnin ka sngi nga la iohsngew ia ka jingkyndud sur jong pha bad mynta ka sngi ruh nga iohsngew kumjuh. Kumta to wan mih shabar ba ngin ioh ia kren bha. Wat tieng, ngam dei u nongshun jong pha bad nga smai ba ngan ym leh eiei ne pynmynsaw ia ka jingim jong pha."

Ynda ka Jawjabidi ka sngewthub ba u dei da shisha u briew uba bha bad ba um dei u nongshun, ka kiew ia ka krem bad ka mih suki shabar baduh jan khmat krem Na pajih uta u Mikir u iohi ia ka thei samla kaba bha briew lymphuih, naduh ka dur ka dar ka rynieng ryniot, ka saieh doh ba i lung bad u shaiuh ba iong synia uba noh rymphai halor ka met jong ka. Hangta ki ia kren ia khana bad ka Jawjabidi ka sa iathub ha u ba ka dei kaba na Umlaram Umchachngar bad ka iathub lut kumno ki nongshun ki thom ia ka NongbahNongtluh ha ka por miet bad kumno ha ka jingphet kulmar ka la liat hapoh kata ka krem bad kam tip shuh lada ka dang don ne em ki kur kiba leit im na kata ka jingwan thom syndet jong ki nongshun, Nalor kata, ka ud bynhiaw ruh kumno ka im jynjar marwei hapoh kata ka krem.

20/1/48

31/5/11

Uta u Mikir u sngew synei palat ia ka jing, jynjar jong ka bad u tyrwa ba lada ka mynjur, un shim noh ia ka kum ka tnga jong u, namar u la iapmat palat ia ka, khamtam ba ia tnga ba nyingkong jong u ka la iap la slem, u da kular ba un ri un sumar hok bad lehbha ia ka.

Ka Jajabidi ka pyrkhat ia ki kyntien sngew-lem jong u Mikir ia ka, hynrei ynda ka la pu-son bha, kam sngew dei ban mynjur, namar ba ki Mikir ki shim jait na u shynrang, katba ka dustur Hynfiwretrep pat ki shim jait na la ka kme. Nalor kata, kam ju klet ia ki kyntien jong u Kni jong ka, mynba u sneng u kraw ia ka bad ba u iathuh ba ha ka por ba u kyrsan kyr-bah ki dak ki shin ki iathuh shai ba dei ma ka, ka ban nang iai pynroi ia ka kur ka jait bad ba kan ioh ia ka spah ka phew bad ka nam ka bu-rom na ka kpoh jong ka. Kumta ka ong ia uta u Mikir ba lada u smai ban ri hok ia ka bad ba ia ki khun ki kti jong ka kin iai sab hi ha ka jait Laloo, kumba ma ka ka dei ka jait Laloo, ka kloi ban mynjur.

Uta Mikir um kohngub ia kata bad u iasaid ba ki khun kin long ki jong u. Hynrei ka Jaw-jabidi ka ia khing bad ka iathuh ha u, ba lada ka la lait lm, ka daw ka long ka jin iapan da kaba ki Kni jong ka ki la iatang ba ka Blei ka Synshar, ka Syiem Wabuh watho ban khraw ka jait ka kur Laloo. Dei na kata ka daw ba wat la ki nongshun ki wan thombor lehbhor haba iong ba ngit kim shym la ioh ia ka.

Ynda la pynshai ka Jawjabidi, uta u Mikir u sa mynjur ba ka jait kan sah ha ka Jawjabidi Laloo Haba la ia beit ia ka jait ka khong, la mih pat sa ka jingiatan fia sa ka jaka sah jaka shong. Ma ka ka kwah ban ia shong ia sah hangta hapoh krem, katba u Mikir pat u kwah ban ialam ia ka sha Makrah. Ha kane ka sien job ka fia jong u Mikir da kaba u kyl'i ia ka kumno kin ia bsa khun bsa kti khlem ka rep ka riang, bad kumno kin ia im khlem bam wat lada kim pat ioh khun ioh kti.

Kumta ka Jawjabidi kam banse ban kohngub ia uta u Mikir bad ka sa leit tud noh ban shong ban sah bad u ba Makriah, kaja kaba don shaphang mihngi na ka khyndew Mawdaloi.

Ynda la sah kumba ar snem duna ha Makriah, ka Jawjabidi ka la ioh ia u khun Shynrang bad ka la jer kyrting ia u da u Luta. Ynda u Luta Laloo u la dap kumba shisnem tam, ka Jawjabidi ka sngewjuh ban dang sah ha Makriah. Kumta da ka jingia beit lang, ki wan shong wan sah noh ha khyndew Mawdaloi, ka jaka kaba la ju synshar mynshwa da ki Daloi Syrmi Marpi-lem bad ki Lyngdoh, ki Makdoh bad kiwei kiwei ki kur' ki Daloi Syrmi Marpi ki long ki Daloi jong ki Truh had ki Hadem.

Ha ka por ba ka Jawjabidi bad la u tnga lem bad u Luta, u khun jong ki, ki leit poi ha khyndew Mawdaloi, ki kur Syrmi Marpi, ki Lyngdoh, ki Makdoh bad kiwei ki kur ki la phet

noh na khyndew Mawdaloi Kumta ym don  
mano mano ban khang ne pynwit ia ki ban shong  
ban seh ha katei ka jaka.

Kat kum ka jingfapan na ka Blei ka Syn-  
sar, ka Syiem Wabuh watho, ka Jawjabidi ka  
la ioh bun ngut ki khun ki ksiew bad ki la roi  
ruh shibun ha ka liang ka sa, ah ka bajar. Ki la  
don la ki shakri shakor ban rep ban riang bad  
ban ri ia ki jingri jingdup jong ki. Kumta ki la  
seng bad pynlong ia ka khyndew Mawdaloi kum  
ka Nongbah ha ar jong ka Raid Nongtluh. Ki  
la seng ia ka duwan ka dupat, ka knia ka khriam,  
ki la tib ia ka kharai ka palit bad buh la ki  
blei ki dken, hynrei ia ka Mawbah, ki Laloo ki  
dang pynneh pynsah hi ha Umlaram Umsa-  
chngar tad Ia u Blei (Ryngkew) ki Laloo, ki  
dang pynsah hi ha Rangsein.

U Sangot ba nyingkong eh ha ka Nongbah  
Nongtluh khyndew Mawdaloi dei u Luta Sangot  
Laloo, uba long u Kongsan ba rangbah duh ha-  
poh ka Raid bad la iarap lem ia u da u Pator  
Laloo. U Luta Sangot Laloo u ju sogew tynnad  
bha ban riam dohkha. Kumta u shna kroh ha  
ka wah Umta bad kane ka kroh ka dang don ha-  
duh mynta bad la tip ia kane ka jaka baduh kine  
ki sngi kum ka 'Kroh Luta.'

Ynda haba u Luta Sangot Laloo u la tym-  
men bha, ka Nongbah Nongtluh khyndew  
Mawdaloi ka la kylla long kawei na ki shnong  
kiba heb katta katta da ka jingbun ki khun ki

ksiew jong ka Jawjabidi, ki pyrsa kurim bad ki shakri shakor jong ki.

## U Mukda Sangot Laloo

Ynda la iap u Luta Sangot Laloo, la mih bteng ia u da u Mukda Sangot Laloo. Dei ha ki sngi ki rta jong u Mukda Sangot Laloo, ba ka Raid Nongtluh ka phuh ka phieng bad pawnam biang kum ha ki sngi jong u Buaid Sangot Laloo bad u Trait Syiem Chenter.

Ha ki sngi ki rta ba u Mukda Sangot Laloo u synshar ia ka Raid Nongtluh, ka Nongbah Nongtluh khyndew Mawdaloi ka la don la ka kut kaba skhem. Ia ka kharai la ker siejkor bad da da ka khyrdop kaba skhem, ki kharai palit ki iar bad jyliew. Ka bam ka dh ka pahuh, namar shaphang shathie bad shatei la ker da ki pynthor baseisoh. Kumta baroh kat kiba sah ha kane ka Nongbah ki shngaiñ bad heh mynsiem.

U Mukda Sangot Laloo u dei u briew uba iohi jngai. U sngewthub ba wat lada ka Nongbah ka skhem, pynban dookam ruh shibun ki khlawait ban iada ia ka na ki nongshun. Kumjuh ruh ba u dei ban pynbiang ia ki San Lyngdoh San kum, khnang ban biang ka niam ka rukom kum ha ki sngi ki rta jong u Kñi tymmen jong u, u Buaid Laloo. Kumta haba u ioh jingtip ba ki kur Manih bad Matong ki poi phetwir

bad shong thait ha Rangleiñ, wah Umta, shi-  
syndon u tobkit bniah ia ki bad ynda u sngew-  
thuh ba ki longkiba bha, u khot ia ki ban ia  
shoug ia sah lang noh hapoh Nongbah Nongtluh,  
khyndew Mawdaloi. Ym tang katta, u ai ruh  
ia ka nam Daloi oa ki Manih bad ka nam Pator  
ha ki Matong. Ia kane yn sa thoh kham bniah  
ha ki lynnong kiba bud.

Kum u Kongsan ba ha khlieh duh jong ka  
Raid Nongtluh, u Mukda Sangot Laloo, u Pa-  
tor Laloo lem bad ka jingiarap lang jong u Daloi  
Manih, Pator Matong, ki khun ki hajar bad ki  
shakri shakor, u la lah ban thung bad pynieng  
ia ki Mawbyнна kiba don ha kjat Nongbah kiba  
la tip kum 'ki Maw khang,' kumjuh ruh ia u  
mawbyнна uba don ha khlieh Nongbah uba la  
tip kum 'u Mawdung kyrneiñ' Une u maw u  
don ki thliw kyrneiñ ba kum ka thliw lyngkyr-  
neiñ ba ju deng ksar ki longkmie Hynñiewtrep  
ba ki shkor jong ki.

## Ki Syiem Kuba

Nalor jong kitei ki maw, dang don ruh sa  
kiwei ki maw kiba ngim ju kham iobsngew koit  
ba kin pynsah nam da ki "Maw jatngam ki La-  
loo". Kitei ki mawbyнна ki thiab lypen baneng  
jong u Mawdungkyrneiñ. Ki dei ki mawbyнна ba  
radbah ia kiba la ring ban pynpoi haduh khlieh  
Nongbah da ki kur Laloo Hynrei ha ka sngi ba  
dei ban pynieng ia ki, ki paidban ki khlem

wan bad ka ja ka doh kaba ki kur Laloo ki la pyinkbreh ban ai bam ai dih ia uta u paid-bah ka la seh noh khlem don ba bam. Kumta ki Laloo ki theh lut ia kata ka ja ka doh hangta hi khlem da ia thung bad pynieng Ia ki. Kumta haduh kine ki sngi kitei ki maw ki thiah sah lypen bad la tip ia ki kum 'KI MAWJAT-NGAM ki Laloo. Baroh kitei ki maw ba la jer kyrteng baneng ki dang don haduh mynta ban sakhia ba dei ka kur Laloo kaba la seng ia ka Nongbah Nongtluh kaba ar ba 'Khyndew Mawdaloi.

Ka wah Umta ka tuid na kiat lum jong ka Nongbah Nongtluh khyndew Mawdaloi bad ka long ka wah kaba bun bha ki dohkha. Kumta kumba la iohi shakhmat, dang ha ki sngi ki rta ba long nongsynshar u Luta Sangot Laloo, u la shna ka kroh kaba ki khot haduh mynta ka Krohlute, ki shakri jong u Mukda Sangot Laloo ki ju leit khyllie dohkha man la ka step na katei ka jaka bad leit rah sha u Mukda Sangot Laloo. Hyndei ha yawei ka step. ki shakri jong u Mukda Sangot Laloo ki wan thylli bad ki iathuh ha u, ba la don briew kaba la wan khyllie bad shim ia ki dohkha.

U Mukda Sangot Laloo u la sngew lyngngoh, namar ym ju don don ki ban nud ban khyllie tuh ia ki dohkha ba la pynap da ki briew jong u. Kumta u bthah ia ki ba ha ka step kaba bud, ki dei ban leit dang kham step bad peit syntiat mano ba khyllie tuh ia ki dohkha ba la pynap.



Kita ki shakri ruh ki leh thik kumba u la bthah  
ia ki.

Ha ka step kaba bud, ki shakri jong u Mukda Sangot Laloo ki mih dang dum bad ap syntiat. Ynda la jan shai ki loh ba don lai ngut ki briew, uwei u shynrang bad ar ngut ki kynthet kiba mih na khlaw bad leit khyllie tuh ia ki dohkha ba la pynap. Mar kumta ki mih bluit na jaka ba ki rieh bad ki kem ia ki. Ynda la kem bad tobkit ia ki, kita ki briew ki iathuh da ka ktien Assamese ba ki dei ki jait Syiem Kuba kiba la phet wir na Kuba ri dkhar, na ka daw bym biang ka bam ka sa bad ba ia huri hura ki kam iing kam sem jong ki. Ha ka jingphetwir ki la wan poi sha katei ka jaka bad namar ba ki thngan kim banse ban shim da kita ki dohkha ban lait na ka jinglap thngan.

U Mukda Sangot Laloo u don bun phew ngut ki shakri shakor dkhar kiba kren Assamese bad u ruh u nang bha ia ka ktien Assamese. Kumta ia ka jubab jong kita kiba khyllie tuh ia ki dohkha la sngewthuh shai khlem don jingeh bad mar mar ki phah khubor sha u Mukda Sangot Laloo ia kaei kaba la jia.

Tang marsyn iohsngew ia kata ka khabor, u Mukda Sangot u hukum ia u nong wallam khubor ba u dei ban leit bad wallam ia ki ha kbmaj jong u. Uta u shakri u leh kumba la bthah, hynrei kita ki jait syiem Kuba kim treh ban wan, namar ki shepteng ioh kanjia kaei kaei ka-

ba sniew. U nongrah khubor u wan biang sha u Mukda Sangot Laloo bad u iathub ba kita jait syiem kim treh ban wan. Myrsyn tip ia kata, u Mukda Sangot Laloo u khot katto katne ngut ki khlawait rangbah bad u Phah tan ia ki da ka bor. Kumta kita ki jait syiem kim banse ban wan ha khmat u Mukda Sangot Laloo.

U Mukda Sangot lem bad ki Longsan mansan ki pent bad brshar bniab ia kita ki jait syiem. U shynrang dei uba la tymmen, katba kita ki kynthei pat dei kiba dang samla. Nangta u Mukda Sangot Laloo u kylli pyrbew ia ki baroh lai ngut bad u sngewtbuh ba ki khlem thok, hynrei ba ki phetwir shisha na ka daw ki kam jing kam sem bad ba kim loh bam. Nalor kata, u shynrang u phla ba ka kyrteng jong u ka dei u Buda syiem Kuba bad ki kynthei pat dei ka Eri bad ka Helibon kiba dei ki pyrsa trai jong u. (Katba loh jingtip ka Eri ka sa leit sah noh hadien sha Marngar)

Ynda la dep tohkit bniab, u Mukda Sangot Laloo uba la ju lai pyrkhat kumno ban nang pynkhrav ia ka Raid, u la don jingmut ban ai noh ha ki ia ka nam syiem, khrang ba kin long ki 'langsiat pap ia ka Raid baroh kawei, hynrei um kyrkieh, namar u dang artatien loh ba ki dei ki hongsyntiat lane loh don ki ban dawa la ki bad mih pynban da ka iarrah wajt rah stieb bad ia um snam hapoh ka Raid. Kumta u hukum ia ki u ong :-

"Ngan shah ba phin sah hapoh Nongbah, hynrei phim bit satia ban mih shabar Nongbah. Lada nga shem ba phi kren ia ka hok bad phi kobnguh ia ki hukum jong nga, ngan sa ai ha phi ia ka nam long syiem ha kane ka Raid kaba ngi la seng."

Kita ki jait Syiem ki mynjur ia ka jingtyrwa jong u Mukda Sangot Laloo bad la ai iaka san ia ki ha kawei ka sem blang kaba ki shakri u Mukda Sangot Laloo ki la pynkhuid bha. Nalor kata, u Mukda Sangot Laloo u pynbiang ia ka ham ka dib, ka kup ka sem kat kaba ki donkam. Hadien kumba ar snem eiei, u Mukda Sangot Laloo u leit da lade sha ri dkhar Kuba (Now-gong) ban wad jingtip bniah shaphang kita ki syiem Kuba kiba u ia pynrieb bad u loh jingtip na u Syiem Kuba ba kan ym don kano kano ka jingma wat lada un thung syiem ia ki, namar ki long ki briew kiba bha.

Katei ka khubor ka la pynhun jrut ia ka mynsiem u Mukda Sangot Laloo bad tang shu pot sha la ka jong ka Nongbah, u lum ia ka dorbar ki longsan mansan, ki Laloo, ki Manih, ki Matong bad ki khun ki hajar bad u iathuh ha ki ia ka jingshisha shaphang ki Syiem kiba u la pynrieb. Shuh shuh u iathuh rub ba u la kular ban ai ha ki ia ka nam long Syiem. lada ma ki kum ki longsan mansan bad ki khun ki hajar ki ia beit lang. Nalor kata u 'bataf' ruh ba ki kumno un pynbiang, khnang ba ka synsher bi-shar ken laid beit. Ki longsan mansan bad ki

khun ki hajar da kawei ka jingmut ki kubur ia ka jingbatai ai jingmut jong u Mukda Sangot Laloo, kumta u Mukda Saugot Laloo u phah sbaw i ki syiem ban wan ha khmat ka dorbar bad ynda ki la poi u bteng ia ka dorbar bad u ong : -

“Kumba nga la kular, mynta ngan ai ia ka khet ka burom long Syiem man Syiem ha u Buda Syiem Kuba ban long Syiem jong ka Raid Nongtlub. Naduh mynta, me u Buda Syiem Kuba, men pyniaid ia ki kam ki jam ka synshar khadar, ka jot ka pei, ka bha ka mait. Men khmih ia kita baroh bad men long kum u 'lang-sait pap jong ka Raid Nongtlub baroh kawei, hynrei ka bor bad ka iktiar bakhlaifi tam kan long hi bad nga. Me u Buda me dei ban long ryngkat bad nga ha kano kano ka kam jong kane ka Nongbah ka Raid Men ym lah ban leh eiei ruh kblem ka jingmynjur jong nga, uba long u Kongsan ba ha khlieh duh jong kane ka Nongbah bad ka Raid baroh kawei.

Nalor kata, bteng shuh shuh u Mukda Sangot Laloo “me u Buda Syiem Kuba men ym lah ban leh, lane pynskhem ia ka iktiar jong uno uno u Longsan ba mih bteng jong kano kano ka kur lane ia la ka jong ka kur rub. Hynrei dei ma nga uba don hok ban pynskhem ia ka iktiar jong me u Buda Syiem Kuba. Dei ma nga uba don hok ban pynspong ia me bad ia ki nongmih khmat jong kano kano ka kur. Kane kan. Iai neh pateng ia pateng khlem kut khlem wai ha ki pateng jong me bad ki pateog jong ngi ki-

ba long ki nongseng ia kane ka Nongbah ka Ri ka Raid."

Ynda ia dep kren bad batai ia kitei baroh, u Mukda Sangot Laloo u sa pynspong ia u Buda Syiem Kuba ban long u Syiem jong ka Raid Nongtluh baroh kawei. Hadien kata u sa pynwai noh ia ka dorbar.

Hadien jong ka dorbar, u Buda bad ki ar ngut ki pyrsa jong u ki leit sha ka iing jong u Mukda Sangot Laloo ban rypaw ia ka jingsgew nguh jong ki ia ki jing en bha jong u bad ki pynpaw ba kin ym lah ban siew kyliang da ka ksiar ne kano kano ka mar ba kordor tam ha ka pyrthei, ka ban ia ryngkat dor bad ka jingleh bha kaba u la leh ia ki Kumta ki tyrwa ban shu iateh kur noh bad khnang ba ka jingleh-bha jong u kan neh kan sah pateng la pateng katba ka kur ka jait ka dang neh dang sah.

U Mukda Sangot Laloo um shym kyntait, hynrei u luh u khan ban tip la ka Blei ka hun ne em ban pdiang ia ka jingtyrwa jong u Buda Syiem Kuba bad u shem ba ka Blei ka hun bad pdiang sngewbha. Kumta u lum u lang ia la ka kur bad u pynlong ia ka kfiia ka kbriam da u Diri ne u Nongkfiia ban pynkyntang ba ki Syiem bad ki Laloo ki la iateh kur bad kim bit shuh horkit hordang ban ia poikba poiman pateng la pateng.

Ha kane ka pateng ba mynta la don iwei ar

kiba ia poikha hagdeng ki Syiem bad ki Laloo bad la shem ba kim roi kim par, kim den jingsuk ha iing ba sem ne ki khun ki kti bad ka jingim jong ki ka kut shiteng por Kane baroh ka dei na ka daw ba ki pynkheñ ia kaba ia buh la tang da u longshwa manshwa,

Ki por ki snem ki iaid bad u Sangot Laloo, Pator Laloo. u Syiem Raid, u Daloi Manih, u Pator Matong ba ryngkat ki tymmen ki san, ki iai bteug ia ka kam kumno ban nang pynheb pynphuñ pynphieng ia ka Raid Nongtluh. Kumta haba la mih ka jinglashun hagdeng u Lyngdoh Shapliang Sha-knor, Tado Rani bad u Dorjang Malai ia uba la ju tip kum u Lyngdoh Majaw. namar ha kata ka por ki Malai ki dang sah ha u lu n Majaw, u Sangot Laloo Pator Laloo u la iirap ai buit ia u Dorjang Malai kumno ban jop ia u Lyngdoh Shapliang Sha knor Tado Rani bad kumta u Dorjong Malai u la iop thaw ia u Lyngdoh Shapliang Sha-knor Tado Rani, bad ki khun ki hajar jong u.

Shen hadien katei ka jingiop, la jia ba ki khlawait jong u Syiem Sutnga ki wan ban hiar thma ia ka Nongbah Nongtluh ha khyndew Mawdaloi. Kumta ka dorbar Raid Nongtluh kam banse ban phah ia u Syiem Raid ban leit pan jinglarap kylla na u Dorjang Malai, khnang ban iada ia ka Nongbah bad la kular ia u Dorjang Malai ban ai ia ka khyndew ka shyiap ka niam ka rukom ha ka Nongbah Nongtluh kumta la ai hok a u Syiem Raid.

Hadien ba la wai ka thma ka ktien da ka jinglasuk lang hapdeng ki khlawait jong u Syiem Sutnga bad khlawait Nongtluh, ki Malai ki wan sah lang noh ha Nong'ah Nongtluh bad kat kum ka kular, u Sangot Laloo u pynspong ia u Dorjang Malai bad u ai ha u ia ka nam Daloi, ryngkat ka khyndew ka shyiap ka duwan ka dupat na ka bynta ka niam ka rukom. Ka jingthoh ba kham bniah shapbang ki kur Malai la thoh ha ki lynnong kiba bud.

Da ka jingwan jong ka kur Malai ban sah lang noh ha Nongbah Nongtluh khyndew Mawdaloi, ka Raid Nongtluh ka dang don tang Saw Lyngdoh saw kum, kata ki Laloo, ki Manih, ki Matong bad ki Malai. Kumta dang donkam sa kawei ku kur khnang ban pynbiang ia ka San Lyngdoh san kum, kat kumba dei hok naduh ka por ba u Buaid Laloo u la saifi dur ia ka Raid ha ki sngi ki rta jong u Trait Syiem Chenter mynba ka Nongbah jong ka Raid ka dang long ha Umlaram Umshachogar.

Hadien ka jingwan jong ka kur Malai, u Kin Manih u poi shongkha ia ka Subai Khomdeit bad u ialam ia ka bad ia ka para jong ka ban sah lang noh ha Nongbah Nongtluh khyndew Mawdaloi bad u Sangot Laloo Pator Laloo lem bad kiwei ki Longsan jong ka Raid ryngkat bad u Syiem Raid ki la ai jaka ia ki Khomdeit ba kin pyndep ia ka niam ka rukom. Hadien kata, ki Khomdeit ki la wan sah lang noh ha Nongbah Nongtluh khyndew Mawdaloi. Kum-

Juh ruh la wan sa ka para khatduh jong ka Subai Khomdeit. Ia kane ruh u Sangot Laloo Pator Laloo, ki longsan bad u Syiem Raid ki la ai jaka khnang ba kan ioh ban pyndep la ka niam ka rukom.

Ynda ki Khomdeit ki la shong la sah ha Nongbah Nongtluh khyndew Mawdaloi, u Sangot Laloo Pator Laloo, u Daloi Manih, Pator Matong, u Daloi Malai ryngkat u Syiem Raid ki la ai ia ka nam Maji ha u Larbuh Khomdeit, u khun ka Shabu Khomdeit Ia kane la leh da ka luh ka khan bad u Sangot Laloo u pynspong kat kum ka niam ia u Larbuh Khamdeit bad naduh katei ka por ka Nongbah Nongtluh khyndew Mawdaloi, kaba long ka Nongbah kaba ar jong ka kaid Nongtluh ka la biang ki San Lyngdoh San kum kat kumba la suit la shor da ka niam ka rukom mynba la seng ia ka Raid Kumno ka Kur Khomdeit ka wan noi sh<sup>o</sup> Nongbah Nongtluh, khyndew Mawdaloi? Ia kane ngin ia peit ha kawei pat ki lynnong ba don ha kane ka kot.

Haba ngi kheid lang ia ki kur kiba la ia don kti lang bad ka kur Laloo mynba ka seng ia ka Nongbah Nongtluh ha khyndew Mawdaloi, ngi shem ba ki don hynriew kur, kata, ki Laloo, ki Manih, ki matong, ki Syiem Kuba, ki Malai bad ki Khomdeit. Mynta lehse ngi lah ban kylli balei ia ong San Lyngdoh San Kum haba don haduh hynriew kur?





ka Maw-Khang



Maw-Jatngam ki Laloo





U Maw-Dung-Kyrnein



U Maw-Khynraw





U Maw- Daloi.



U Manjli Tado





U Maw-Khalai (Mawkorkatia)  
Pamkuti



U Sosing Khomdeit  
& U Borngang Khomdeit





Ka daw ka long ba naduh ki sngi ki rta ba u Buaid Laloo u la hikai ia ka niam ka rukom ha ki sngi ki rta ba synshar u Trajt Syiem Chenter ha ka Nongbah Nongtluh ba Umlaram Umshachngar, ia u Syiem kim ju kheiñ kum uwei na ki San Lyngdoh San Kum, namar u Syiem u long kum u 'lang-saitpap jong ka Raid bad kane ka jutang ka la neh bad la nang pynskhem shuh shuh ha ki sngi ki rta jong u Mukda Sangot Laloo, mynba u pynspong syiem ia u Buda Syiem Kuba ha ka Nongbah Nongtluh, khyndew Mawdaloi, kaba long ka Nongbah ba ar jong ka Raid Nongtluh.

Ha shwa jong ka snem 1954, ka Raid Nongtluh ka dang pyndep bun jait ki rukom lehniam Raid, lada jia ka thma, lane ba wan u dusmon u siar, lane ba wan ka pang snem, ki ju knia Ryngku Raid (Ryngkew Raid) ha u Lum knia Ryngku ha syndah lum Rynnai Lyngdoh ha u bnai iaiong lane u bnai Jym-mang. ki ju knia. da u masi uba bha ki reng bad ki ju sop ksiar sop rupa ia ki reng jong uta u masi ba ki knia

Hadien jong ka knia Ryngku Raid, ha u iuh bi u bnai ki ju pynlong ka shad-rong kaba neh lai sngi lynter. Nalor kata, ki ju don ruh ka knia shaw Lukhmi ha ka Nongbah kaba ki ju pynlong san snem shi-sien. Ka jaka ba ki leit shaw Lukhmi ka dei na Mawlong (Nongtluh)

Hangne ngan ym batai bniah shaphang  
 ka niam ka rukom jong ka Raid Nongtlub. Nga  
 feh ha ka dorbar Raid ba kin leh ia kaba  
 donkam. Hynrei tang ban kham ia shai ia  
 kane ka khanatang, la sngewdei ban iathuh ba  
 ha ka Shad-rong kaba ki ju pynlong ha Nong-  
 bah Nongtlub myoba dang biang ka niam ka  
 rukom, kiba wan shad nyngkong eh ha duwan  
 dei ki Laloo Hynrei nadub ba la pynkhamti  
 ia ka bor synshar khadar ha ki Syiem, la mih  
 nyngkong nob da ki Syiem, namar la pynbeit  
 kumta ha la ke pali pali kum ka khanatang.  
 Kumta la buh ba ar nob da ka khun Laloo, bud  
 balai ki Manih, bud basaw ki Matong  
 bud sa ki Malai, ki Khomdeit bad  
 kumta ter ter. Hynrei ynda la wai  
 nob ka jingshad, sa shisien pat ka khun  
 kbatduh Laloo ka mih biang ban shad ha duwan  
 bad ha kane ka sien kan suit um artad ia ka du-  
 wan kum ka dak ba la pynkut pynwai ia ka  
 niam ka rukom ha ryngkat ka Shad-rong kaha  
 long ruh ka sakhi kumno la seng ia ka Ri ka  
 Raid.



## KUR MANIH bad MATONG

Katkum ka jinglum jingtip jong u Bah Mosmen Manih bad ka jinglapur ia lir jong ki tymmen ki san, la sngew thuh ba ka jaka ne shnong trai jong ki Manih ka dei ka Janthah Rangkbem Lai spah Dieñki. Ka jaka kaba don ha shiliang jong ka wah kulong, kaba hap mynta ha ka District Nowgong, Assam. Ki Syiem ba synshar ia katei ka jaka dei ki Syiem ba long niam Hindu, kiba ju don ka leh niam kñia briew.

Ka la jia ha ka por ba synshar u Syiem Juwah Moitjrok, ka leh niam kñia briew ka la palat ia u pud na ka daw ka jingkwah spah palat u Syiem. U Juwah Moitjrok u long u Syiem u bym don jingisynei bad uba runar katta katta. Man la u snem; ha ki por syntjew kba, u ju pynlong ia ka kñia mane Blei jong u da kaba kñia khatar ngut ki khynnah ba hapoh khatar snem ka rta; khnang ban bha u kba jong u. Katei ka jingleh jong u Syiem ka la pynjynjar sat ia ki khun ki hajar kiba sah hapoh ka Ri ka Raid jong u.

Ka Soil Manih dei ka longkmie kaba stad bad kaba iohi jngai Man la u snem ka iohi ia ka jingdub ei ki mynsiem ba lui lui bad ka jing-kthang mynsiem jong ki kmie ki kpa. Ka tip sbai ruh ba ka kur Manih ka la ngat ha kum kata ka apot sepsngi. Kumta ka lum ka lang ia la ka kur. ki kmie, ki kñi, ki para pyrsa ki khun ki kti bad ka ong ia u Jarlu Manih uba long u Rangbah kur.

**"Kat kane ka apot ngi la shem ngi la ngat,  
ngi la duh ei la ki khun ki kti, la shai la  
shisngi ngin ym don khun don kti shuh bad ka n  
duh ka kur ka jait lada ngin dang iai sah hang-  
ze. Kumno ngin leh?"**

U Jarlu Manih u pyrkhat ia ki kyntien jong  
ka soil Manih. U sngew thuh ba um lah ban ia  
leh da ka thma. Kumta ban lait na kaba duh jait,  
u ia kubur bad ka Soil Manih bad ki rai ban ia  
phet noh na kata ka jaka. Kumta u Jarlu Ma-  
nih bad ka Soil Manih lem bad la ki kur ki jait,  
ki para pyrsa bad ki khun ki kti ki phet noh na  
Janthah Rangkhem Lai spah Dieñki. Hadien  
ba ki ia iaid kumba katto katne sngi, ki leit poi  
ba Kulongpar, harud jong ka wah Kulong  
Hangne ki shong thait namar kim lah ban klan  
ia ka wah ba ka heh, ka iar bad jylliew palat.

**"Kumno ngin klan ia kane ka wah" ki  
ia kylli lang. Ka Soil Manih ka peit bishar  
ia ka wah bad ka iohi ba don kawei ka dieng  
kaba heh bad jrong bha theñ. Kumta ka ud  
ka nam ba kata ka dieng bad ki Ryngkew  
ki Basa ka ong:-**

**"Ko ka Diengdor, to pynkam ia ngi sha  
shiliang kane ka wah, ba lada pha lah ban  
pyllait ia ngi sha shiliang, ngin pynlong ia  
pha kum ka Kmie ka Kiaw pateng la pateng"  
Bad ka nguh ka dem artad ia ki Ryngkew  
ki Basa.**

Myrsyn dep nguh dep dem, kata ka dieng ka kyllon bad pun jyangkieng na shiliang sha shiliang. Kumta u Jarlu Manih, ka Soil Manih lem bad ki kur Manih baroh ki sa laid najor jong kata ka dieng bad jait sha shiliang wah. Naduh katei ka por, ki Manih kim ju pom beifi pom thala ia ka Diengdor.

Ynda ia klan ia ka wah Kulong, ki bteng biang ia ka jinglaid lynti bun bun sngi, tad haduh ba kin da poi ha u Lum Dulmaji. Une dei u lum bah uba don ha sdad Umiām ha ia kynduh bad ka Umsiang. Hajan u Lum Dulmaji don uwei u lum rit uba ki khot u lum Mawkhla, hapoh ka Raid Lymphuit, Hima Khyrim. Dei halor jong u lum Mawkhla ba u Jarlu Manih, ka Soil Manih lem bad ki kur ki jait Manih ki shong ki sah hadien ka jingphet shnong jong ki na Janthah Rangkhem Lai spah Dieñki.

Ha Lum Mawkhla ki Manih ki sah bun bun snem ryngkat bad kiwei kiwei ki kur kum ki Sujai, Suphai, Matlai bad Sukra. Kumta baroh lang ki long san kur. Ha ka por ba ki Manih ki shong ki sah ha lum Mawkhla, ia don ka sien ba uwei u 'labah u bam briew man la ka sngi, uwei mynmiet uwei mynstep hyndrei uta u Khla u bam briew tang ia kiba, dei na ka jait Sukra, kat haduh ba ki jan duh jait.

Ki Longkñi jong ka kur Sukra ki lynga pisa balei ka leit jia ha ka kur jong ki kum kata ka jingjia. Kumta ki wad ia ka daw lyngba ka shoq ka kheñ, ka luh ka khan bad ki kylli ki tohkit mano ba lah ban iada ia ka kur ka jait jong ki. Ka luh ka khan ka pynpaw ba dei tang ka kur Manih kaba lah ban iada ban kdup ia ki. Kumta ki kyrpad ia ki Manih ban iarap lem ia ki.

Da ka mynsiem sngew synei, ki Manih ki lum ki kdup ia ki bad ki kyrpad kyrpon, ki nguh ki dem ha u 'lei kur jong ki uba dei u Ryngkew Dulmaji, khnang ba un pylait im ia ki kur Sakra na uta u 'labah 'lasan bad naduh ba la nguh la dem ki Manih, ki kur Sakra ki sa lait im shisha na ka jingpyniap beñ jong uta u khla.

Nalor kata, ki kur Manih ki pynseng ka maw ka dieng (maw buh shyieng) ia ka kur Sakra bad ki pynlong ia ki kum ki kur trai kjat, lane ki kur ba ha syndah eh. Dei naduh katei ka por ba la ia teh kur hapsedng ki Manih bad ki Sakra bad kim bit shuh ban ia poikha hapsedng jong ki haduh mynta mynne.

Hadien katei ka jingjia, ki Manih ki phet noh na lum Mawkhla bad ki leit bubai shnong noh ha Lyngkdong Malawoi, ka jaka kaba hap mynta hapoh ka Raid Mathan, Hima Mylliem. Ka Lyngkdong Malawoi dei ka Ri kynti ki Manih bad ha ka por ba ki

dang leh niam, ka Raid Mathan ka hap ban wan ka nongsyngra ryngkat bad u synniang u bynhei bad ai ha ki Manih Haduh mynta ka Lyngkdong Malawoi ka dang dei hi ka khyndew ki Manih.

Ha Lyngkdong Malawoi ki Manih ki sah kumba katto katne snem. Ha ka por ba ki Manih ki sah ba katei ka jaka u Jarlu Manih u ia iet lok bad u Suwai Matong uba long u rangbah kur ki Matong. Ha kata ka por ki kur Matong ki dang shong shnong ha khyndew Lamarei, ka jaka kaba ia khap pud bad ka Lyngkdong Malawoi, ka jngai tang kumba shi kynta lada iaid da ka kjat na Lyngkdong Malawo. ha Lamarei.

Ka jaka ba ki Matong ki mane Blei ka dei ha krem Talahong, kaba don hajan shnong Lamarei bad hap hapoh ka khyndew Lamarei. Kiba lab ban rung ha ka jaka knia kaba don hapoh jong katei ka krem dei tang ki nongknia. Haba ki Nongknia ki sngew shit palat ha ka por ba ki leh niam hapoh krem Talahong, ki ju hukum da kaba ong, "wan ka pangkha," bad mar kumta hi, kin wah her ki Labadur baradbah ban kaweb Iyer. Ban shong knia bad ia bam ia dib ruh ki ju hukum beit, "wan jaka shong," bad ki thlen (lenlum) baradbah kin wan ban long ka jaka shong ia ki Nongknia

Ha kawei ka sien ; na kano ma kano ka daw, ki Matong ki la pyniap bad bam doh tuh ia uwei u nong Marynzong (Umswai). Ynda

haba uta u nong Marynzong um poi ling shuh, u Lyngdoh u leit wad bad u lap ia kawei ka tymmen ba ka deng sahti da ka snier briew ha ka 'tidub jong ka. Kumta u kylli tohkit ia ka bad kata ka tymmen ka iathuhhok ba ki la pynfap bad bam doh ia u.

Marsyn tip ia ka jingshisha, u Lyngdoh Marynzong (Mafong) u byrngem ban hiar thma ia ki Matong bad namar ba ka Raid Marynzong ka long ka Raid kaba khlaifi bor, u Suwai Matong u leit ban iatbuh ha u Jarlu Manih Kum u paralok ba shisha, u Jarlu Manih u pyrkhat sngew lem ia u Suwai Matong bad namar ba ka Raid Marynzong ka ia khap pud bad ka Lyngdong Malawoi ba ia shu pyniakblad da ka Umsiang, ym don lad don lynti ban ia da ia ki Matong. Kumta ki rai ban ia phet shnong noh baroh ar kur, u Jarlu Manih bad ia ka kynhun na Lyngdong Malawoi, u Suwai bad ia ka kynhun Matong na Lamarei.

Ha katei ka jinglaphet shnong, ki Manih bad ki Matong ki leit poi sha Khyndai Umtong (Khyndai um shyngiar), ka jaka kaba ngi khot mynta ka Raid Nongsohbar. Hangne ki la sah katto katne snem bad ki Manih ki don ia ka Khling ka Kbamar lane ka jaka mane Blei nguh Blei. Hynrei ba kane ka jaka ruh, ki Manih bad ki Matong kim shym sah slem na ka daw ba ki la kum bam doh bakla ia u shynreh ki trai shnong. Kumta ki Lai phew shynrang Narleifi ki hiar thma ia ki bad ki Manih ki Matong ki hap ban Phet shnong biang sha kawei pat ka jaka.



Na Khyndaf Umtong ki Manih bad ki Matong ki leit poi sha Rangleiñ wah Umta, ka jaka ba don harud ka Nongbah Nongtluh, Khyndew Mawdaloi Kane ka dei ka Nongbah ba ar jong ka Raid Nongtluh. Ki Manih bad ki Matong ki shong thait ha Rangleiñ bad la leit lap la ki da ki kynthei jait Laloo kiba dang leit ban tam dohkha na ka kroh ba la pynap ha ka wah Umta.

Marsyn Iohi ba don ki briew phylla ha Rangleiñ, kita ki kynthei ki mareh bad leit Iathuh sha u Mukda Sangot Laloo, namar ki sheptieng Ioh ba dei ki riw sniew. Marsyn Ioh khubor, u Mukda Sangot Laloo u lum la ki rangbah jong ka shnong ban leit peit ki dei kiei. Ynda la lap la ki bad ynda la la kren, ki rangbah Manih bad Matong ki ong :-

“Ngim dei ki phuli ki syntiat, ki shohnoh pannooh, ngi dei ki briew kiba wan phet ha ka thma ka ktien” Bad ki sa Iathuh lut la ki jingjia ter ter, naduh Janthah Rangkhem Lai spah Dieiñki tad haduh ba ki poi ha Rangleiñ. Nangta ki pynkut la ka jingIathuh da kaba ong ba mynta ki kwah ban leit phai nob sha la ka jong ka jaka kaba dei ka hok kynti ka jong ki.

Ynda la Ioh sogew bad tip la ka jingshisha, u Mukda Sangot Laloo u sngew synei la ki bad u ong la ki ba kin ym leit phai shuh sha la ki jong ki jaka, hynrei ba kin la shong la sah lang nob bad u ha Khyndew Mawdaloi, kaba long ka Nongbah jong ka Raid Nongtluh. Nalor kata,

u ku'ar ruh ban ai ha ki ia ka bbah ka bynta, ka  
longsan ka longbeh hapoh ka Raid jong u ha  
Khyndew Mawdaloi Raid Nongtlub.

Ki Manih bad ki Matong ki pdiang sngew-  
bha ia ka jingtyrwa jong u Mukda Sangot Laloo,  
namer kim kwah shuh ban dang laid wir na ka-  
wei ka jaka sha kawei pat, khamtam ba  
ka Nongbah Raid Nongtluh ha Khyndew Maw-  
daloi ka biang ki kharai Palit, ka kut ka khyr-  
dop. Kumta naduh ketei ka por, ki Manih bad  
ki Matong ki ia shong ia sah lang noh ha Khyndew  
Mawdaloi Raid Nongtlub. Hangne hapoh  
ka Raid Nongtlub, ki Manih bad ki Matong ki  
ia roi ia par ha ka liang ka kur ka jait, ka spah  
ka bajar.

Kat kum ka kular, u Mukda Sangot Laloo  
u pynspong bad ai ia ka nam Daloi ha ki  
Manih bad ia ka nam Pator ha ki Matong, kaba  
long ka nam longsan mansan, ka heh ka haiñ  
ban ia don kti lang ha ka synshar ka bishar.  
Shuh shuh, u ai ruh ka khyndew ka shyiap ba  
kin long ki trai Ri trai Raid. Kumta ki  
Manih bad ki Matong ki sa long ki trai Ri  
trai Raid bad ki longsan mansan ha ka Raid  
Nongtlub haduh kine ki sngi.

## KUR MALAI.

Kat kum ka jing'atbuh jong u Bah Dolin Malai, (u khun jong u Bah Rani Malai) uba long run u nonghikai skul bad uba iai wad kham bniah ia ka kur Malai, u iathub ba ki Malai ki wan poi sha thairi Bhoi na sha shiliang jong ka wah Kulong. Ka wah Kulong ka dei ka wah Umtrew, hynrei la khot ia ka da ka wah Kulong ynda ka la poi sha ri thor Assam. Bad ka jaka na kaba ki wan phet dei na ka Hima ba synshar u Syiem Jawa Mai jrok. Ka daw ba ki phet noh na katei ka Hima ka long ba kim ia hap jingmut bad u Syiem ha ki kam kña brierw jong u.

U Bah Rani Malai, uba long u Daloi tym-men ki Malai pat u iathub ki shong ki sah nyngkong ha Nongkang Nongsala, ka jaka kaba hap mynta hapoh Assam. Ka daw ba ki phet noh na Nongkang Nongsala ka dei namar ba jur eh ka jingpang lap them. Kumta ki Malai ki hap ban phet shnong noh bad ki la dei ban klan ia ka wah Kulong ba shwa ba kin poi sha Umrang Majaw, ka jaka kaba don mynta hapoh jong ka Raid Nongtluh.

Long katba long, kat kum ka khana pateng jong ki kur Malai lem bad ki Longsan mansan, kaba thikna hi ka long ba ki Malai ki la poi sha Umrang Majaw da kaba ki klan ia ka wah Kulong bad ki la lah ban klan

la katei ka wah bah da ka jingiarap u ler pathaw (thning pathaw).

Ka kirteng jong ka longkmie ha ka por ba ki klan ia ka wah Kulong dei ka Jir bad u tnga jong ka pat dei u Dum. Ha ka por ba ki klan ia ka wah Kulong, ki dang ioh tang uwei u khun shynrang uba kirteng u Dorjang. Dei tad baduh ba ki poi sah ba Umrang Majaw ba ki ioh sa lai ngut ki khun kynthei. Kaba nyngkong dei ka Skut, kaba ar dei ka Jrang bad kaba khaduh dei ka Mali. Ka jaka ba ki sah ha Umrang Majaw la tip kum u lum Majaw bad dei hangne ba ia u Dorjang la tip kum u Lyngdoh Majaw.

Ka Skut ka ioh pang nianglyngkut. Kumta ki bahaling ha sem jong ka ki leit pynshong pynsah noh ia ka ha kper tyrso kaba ki khot 'Kper lai sak lane Kper lai shak'. Kumta ia ka Skut bad ki khun ki ksiew jong ka la khot noh da ki Malai.

Ngim tip thikna ka Skut ka ioh katno ngut ki khun shynrang bad khun kynthei, hynrei kiba sah ha ka khana pateng ka long ba ka Skut ka don arngut ki khun shynrang kiba long ki khlawait ba pawnam. Uba nyngkong dei u Daser Malai bad uba ar pat dei u Darjoh Malai. ka Skut kam shym la phet shnong shano shano ruh, ka sah hi ba lum Majaw Nongtluh. Shaphang u Daser Malai bad u

Darjoh Malai ngin sa nang ia pur. Mynta ngin ia phai sbwa khyndiat sa shaphang ka Jrang, ka para jong Skut.

Ngi la iohi sha khmat kumno ba ki khlawait jong u Syiem Sutnga ki la lah ban pynjot thiaiw ia ka Nongbah Nongtluh da ka jingshet shukor jong u Klong Ingjal bad ha ka por ba ki ta ki khlawat jong u Syiem Sutnga ki leit phai sha ka hima Sutnga, uwei na ki khlawait jong u Syiem Sutnga u la shim tnga ia ka Jrang bad u ialam lang noh ia ka sha Pnar (Hima Sutnga). Ha ka jingiakren, 'Shanu u lai, Shenu u lai,' la sin ne khot ieit ia ka da ka Shullai. Kumta ia ki khun ki ksiew jong ka Jrang la tip bad khot noh ia ki da ki Shullai.

Hadien ba la pynjot thiaiw ia ka Nongbah Nongtluh ha Umlaram Umshachngar kaba long ka Nongbah ba nyngkong jong ka Raid Nongtluh, ki Laloo bad kiwei ki la seng ia ka Nongbah ba ar jong ka Raid Nongtluh ha Khyndew Mawdaloi. Kumba ngi la iohi sha khmat, u Sangot Laloo Pator Laloo ki la pynkhmti ba ki jait Syiem Kuba ban long ki Syiem jong ka Raid Nongtluh. Ha kata ka por ka Mali, ka para jong u Dorjang, ka Skut bad ka Jrang ka la samla bha bad ka la ia poikha bad u Syiem jong ka Raid Nongtluh bad ka la leit sah noh bad la u tnga ba Nongbah Nongtluh Khyndew Mawdaloi, hynrei ngi sniew bok ba ngim lah ban tip thikna ia ka kyrteng jong u Syiem uba synshar ha kata ka por.

Dei ha ka por ba ka Mali ka long ka Mahadei jong u Syiem Kuba Raid Nongtluh, ba la mih ka jinglapher jingmut hapdeng ki Lyngdoh Shapliang shaknor Tado Rani bad u Dorjang Lyngdoh Majaw. Kumta ki Lyngdoh Shapliang shaknor Tado Rani ki dawa ban ialeh da ka thma pyrshah ia u Dorjang Lyngdoh Majaw. Ka kyrteing jong ki Lyngdoh Shapliang shaknor Tado Rani dei u Wanpliah Tado bad u Phonpliah Tado,

U Dorjang Lyngdoh Majaw, um treh ban ialeh thma, namar u ong ba um don shipai don swar, hynrei ki Lyngdoh Shapliang shaknor Tado Rani, kim aili bad ki ong ba lada um don shipai, kin leit ban ialeh thma bad ki shipai jong u kynum jong u, uba dei u Syiem Kuba Nongtluh, u tnga ka Mali. Ynda u Dorjang Lyngdoh Majaw um sngew lah lait na ka thma, um banse ban leit iathuh sha u kynum jong u

Marsyn ioh sngew bad tip ia kata ka khubor, u Syiem Kuba u phah khot ia ki Lyngdoh Shapliang shaknor Tado Rani ban ia wanlang bad u Dorjang Lyngdoh Majaw ha khmat jong u ban ia pynbelt ia ka kam Kumta ki ia leit mih lang ha khmat u Syiem Kuba. Ynda ki poi, u Syiem Kuba khlem da kren ei ei, u shu phah set beit ia ki bad um ai bam ai dih ei ei. Haba ka Mall ka ioh jingtip ia ka jingleh u Syiem Kuba ia ia u jong u hymen ka sngewthuh shisyndon ia ka jingkordor jong

ka doh ka snam bad khlem reij, ka iai leit  
ai bam tuh ia u man la ka sngi. Kumta u  
Dorjang Lyngdoh Majaw u lait im, katba ki  
Lyngdoh Shapliang Shaknor Tado Rani pat ki  
shu iap ei ba ka along jong u Syiem Kuba,  
namar ba kim ioh bam ioh dih.

Ynda la iap ki Lyngdoh Shapliang Shaknor  
Tado Rani, u Dorjang Lyngdoh Majaw u phet  
tuh mynmiet bad u let iathuh ha u Sangot  
Laloo Pator Laloo bad da ka jingabuit jong  
ki, ki sa pom da u 'langiong bad ki sieh ia ka  
khlieh ha khmut waitlam bad ki risa ki kynhoi,  
ki da pyrta ba ki la jop ia ki Lyngdoh Sha-  
pliand shaknor Tado Rani.

Katei ka jingiarap tuh jong ka Mali ia u  
Dorjang Lyngdoh Majaw, ka la pynbitar tynggeh  
ia u Syiem Kuba bad u rai ha lade ba un pynlap  
noh ia ka. Kumta ba kawei ka sngi u la pynhap  
khnang ia ka dabia ksiar jong u hapoh kawei ka  
pukri ba jylliew kaba don hajan u dieng uba ki  
khot 'u Jajew dieng' bad u khroh ia ka Mali  
ba ka dei tang ma ka hi kaba don hok ban leit  
shim ia ka. Bad u alam ia ki shakri ban rah  
pyrnou (jingkieng) khnang ba ka Mali kan suk  
ban hiar sha trai pukri. Phewse ka tang marsyn  
poi ha trai, u Syiem Kuba u hukum ia ki sha-  
kri ban sei nob ia ka jingkieng khnang ba ka  
Mali kan iap suki.

Ka Mali ka shu sah ha ka lyngngoh nga'i,  
hynrei kum ka riewshlur, kam duh jingkyrmen

satia bad haba ka sngewthuh ba kan ym lah lait na kata ka pukri, ka ia ud la nam ia ki Ryngkew ki Basa, ia u Blei Trai Kynrad ban iarap ia ka Ka nguh Blei kam ju sepei. Kumta hadien ar taiew ba ka Mali ka la sah hapoh pukri, ki thied jong u Jajew dieng ki la sub thied bad poi haduh trai pukri. Kumta ka Mali ka sa ioh lad ban kiew lyngba kita ki thied dieng bad ka sa lait im.

Ynda la lait na ka pukri, ka Mali wat la ka dei tang ka riew kynthei, ka phet bad leit sah nob sha Byrni ban sdang ia ka jingim bathymmai. Ha kata ka por: ka iew Barbhuiñ ka don ha Byrni Ban shu ia tip lang, ia ka iew Barbhuiñ ka la rah sha kylleng ki jaka, hynrei khatduh ka poi biang sha Byrni badka sah haduh mynta.

Ka wah Umtrew ka wan tuid sha Byrni. Ha wah Umtrew Byrni, don uwei u mawsiang uba ki khot 'Bara Damlong' Une u mawsiang u don harud wah. Haduh mynta dang don ki Jha (nongkñia) kiba leit kñia ha une u Ryngkew. Ki Nonglyngdob ki khot ia u 'Bara Thymblong'. Ha Byrni, ka Mali ka ioh jingiarap na une u Bara Damlong uba ju bthei. Haba u bthei, baroh ki dohkha kiba don ha thwei ki sied shu jrong mawsiang bad ka Mali ka kbar ia kita ki dohkha kiba don halor mamsiang bad ka ioh lad ban kamai bad ioh spah ioh phew, Kat kum ka khana pateng ki ong ba une u mawsiang Bara Damlong u ju bthei shisien man la u snem ha u bnañ Ri-saw bad ba u dang fal bthei haduh kine ki sngi.



Ha Byrni, ka Mali ka kylla riewspah bad lehse dei ha kane ka por ba ia ka Mali la tip noh kum ka Mali Damlong. Ka Mali ka sapoikha sa bad u Basan Nongkseh, hynrei ynda la ia shong ia sah ryngkat, ka sngewthuh ba kam dei shuh ban sah ha Byrni, namar kam lah han shu pyndem beit tang ha ka mon jong u khlem da ia sngewthuh jingmut lang. Kumta ka ia khlad noh bad u bad ka leit sah noh sha Marngar.

Ym lah ban loh jingtip kaba thikna la ka Mali ka loh ia i khun kynthai ha Byrni ne ha Marngar, hynrei ia ka jingdon khun jong ka, la pynshisha da ka khanatang. Ka kyrteng jong ka khun ka Mali Damlong dei ka Bril Damlong. Ha Marngar, ka Mali ka shong ka sah ryngkat bad la ka khun, (ka Bril Damlong) hynrei ka Mali kam shym sah duh ha Marngar, ka phet noh sha M-than bad ka ieh tang ia ka Bril Damlong ban sah ha Marngar, Hadeh mynta la tip ia ka Mali kum ka kwie ne ka Yawbei jong ka jait Damlong bad ka jait Damlong ka loh ia ka nam Pator, ka nam Longsan mansan la ka dorbar Raid Marngar. Shuh shuh ka khanapateng ka iathuh ruh ba ka Mali ka la sah duh ha Mathan bad la tip ia ka kum ka Mali Damlong. Ha Mathan ruh ka jait Damlong ka loh ia ka nam Pator, kaha dei ka nam Longsan mansan ha ka Raid Mathan.

To ngin ia phai mynta shaphang u Daser bad u Darjoh. Kumba la-thoh sha khmat, u Daser Malai bad u Darjoh Malai ki dei

·ki samla khlawait Ma'ai. Dei ba ka kane ka por ba u Syiem Sutnga u ioh khubor ba u Syiem Kuba Raid Nongtluh u la pyniar hima sha ka Raid Syiem Nongthneiñ, Lyngdoh Shapliang, Barokhuria Rangseiñ bad kumta ter ter Kumta u hukum ia ki khlawait jong u ban leit hjar thma ia ka Raid Nongtluh Kumba la ioh sha khmat, ha kane ka por ka Nongbah jong ka Raid Nongtluh kam dei shuh ha Umlaram Umshachngar, hynrei ha Khyndew Mawdaloi, kaba long ka Nongbah Nongtluh kaba ar.

Haba u Syiem Nongtluh u ioh jingtip ba ki khlawait jong u Syiem Sutnga ki wan ban hjar thma ia ka Nongbah Nongtluh, u Syiem Nongtluh kat kum ka jingbthah ka Dorbar Raid u leit ban pan jinglarap na u Dorjang Malai Lyngdoh Majaw, u kni jong u Daser u Darjoh Malai bad u kular ban ai shiteng ka Nongbah bad baroh ka niam ka rukom katba ioh ki Syiem, kumta ruh ki Malai kin ioh, lada ki treh ban wan iarap lem. Hadien katei ka jingkular, u Dorjang u mynjur bad dei naduh katei ka por ba kiei kiei kiba kongsan katba ioh ki Syiem, ki Malai ruh ki ioh. Kum ka nuksa, ha shwa ban mih shad ki Syiem, ki ju siat suloi san sien, Kumjuh ruh ha shwa ban mih shad ki Malai ki dei ban siat suloi san sien. Nangta haba leit bud kurim ne leit kai kiaw kiba na ka jait Syiem, ki ju sah san sogi san miet, Ki Malai ruh ki ioh ia ka juh ka hok bad kumta ter ter.

U Daser Malai bad u Darjoh Malai, kat kum ka kular u kñi jong ki u Dorjang, ki íalam ía ki khlawait Nongtluh ban íaleh thma pyrshah ía ki khlawait jong u Syiem Sutnga bad ki lap ba ki shipai bad ki khlawait jong u Syiem, Sutnga ki ía pyndap ía ka them wah Ummyrsiang, ka jaka ba don ba trai Nongbah Nongtluh hapdeng Umkon bad Mawlong. Lada íanujor ha ka jinghun paid, u Daser, u Darjoh bad ki khlawait jong ki Nongtluh ki ía dei ban her krad, hynrei em, u Daser u Darjoh bad ki khlawait Nongtluh ki híar ban íaleh bad ha shwa ban ía leh ban ía um snam ki ong to ngin da ía krea.

Ha kata ka jingíakren ía lap ba u khlawait ba rangbah duh jong u Syiem Sutnga dei pynban u khun samla jong ka Írang Shulíai bad u Daser bad u Darjoh Malai dei pynban u khun jong ka Skut Malai. Yoda ía lap ía kane ka jingshísha, kim sogewdei shuh ban dang íaleh thma, namar ki dang íadei shipara ar kmie trai bad kumta ki pynlong nob da ka jingkhawai ha Nongbah Nongtluh. Ban lait na ka tyrut ka smer ba ía ía rah wait rah sum shipara, ki pynlong nob da ka kñia masi.

Ban pynsah jingkyrmaw ía kane ka jingjia, ka rai ban thung da u mawnam u mawbyнна bad ki pynlong da ka kheñ ka shoh, ka luh ka kha, ban tip ha uno ka Blei ka mon ban long u nongíalam nong pyníaid ía kata ka kam táung Mawbyнна. La shim nyngkong ha ki Laloo, hynrei kam kup, ía shim sa, na ki Manib, ki Matong,

ki Sviem, ki Malai, bynrei la shem ba kam 'kup. Ka kup pynban ha uwei uba kyrteŋg u Kynduit Lamalieh. Hadien kata, ki sa lah ban pynlong ia ka thung Mawbynna. U maw ba ki pynieng dei uba beh radbah bad ki khot ia u 'U Mawdaloi'. Une u maw u dang don bad u dang jeng haduh mynta ha Nongbah Nongtluh Khyndew Mawdaloi,

Ynda la pynieng ia u Mawdaloi, la aiti ai nam nob hapoh ka jingpeit ki Malai. Ki Malai ruh ki pynlong Ryngkew ia u Mawdaloi bad u Diri (nongkŋia) uba khatduh uba pyndep lane pynlong ia ka lehn'am ha u Mawdaloi dei u Phar Malai Daloi Majaw.

Kat kum ka kular, u Syiem Nongtluh u ai ia ka khyndew ka shyiap bad ki Malai ki sa wan sah ha Nongbah Nongtluh Khyndew Mawdaloi. Ia u Dorjang Malai Lyngdoh Majaw la ai da ka nam Daloi hapoh ka Raid Nongtluh bad dei naduh katei ka por ba ka duh artad ka nam 'Lyngdoh Majaw'. Kumta u Dorjang Maloi u kylla long u Daloi ba nyngkong eh ha ka Nongbah Raid Nongtluh.

*Don ka jingong na ki katto katn- ki 'riewtymmen kum ki jong u Manjli Tado (Kbet Umsaw Nongbri) bad kiwei, ba ia u Mawdeloi (Mawbynna) la thung bad pynieng da u Kynduit Daloi Syrmi Marpi bad ia uwci pat u Mawbynna uba don ha Rangseih la thung da u Kynihung Daloi Syrmi Marpi. Dei ha ka por ba synshar kitei ki Daloi*

*ba la oh dur hu ki maw kiha don ha sdad ka  
wah Umta bud wah Umtyra (Umta toh Umtyr-a)  
Ñiuma ! Long katba long, kam pher, hynrei utei  
u Mawbynna u don bad dung ieng kynshreng  
haduh mynta.*

*U Mawdaloi u jrong kumba 22 phut shi-  
teng ua sla khyndew, u heh kumba 9 phut bad  
u rben kumba 4 phut shiteng. Haba shim kyl-  
lum ia ka jingheh jong u, u don kumba 20  
phut kulai Lehse u dei u Mawbynna uba heh  
tam (ym dei uba jrong tam) ha ka Ri u Hyn-  
niewtrep.*



## KUR KHOMDEIT

Ka jaka ba ka kur Khomdeit ka shong ka sah nyngkong kat kum ka jingiatuh khana pateng ba la iathuh da kitymmen ki san bad ki rangbah kur Khomdeit. ka long ha ki thaili ki ba tip mynta kum ka District Nowgong, lane ka fi Dkhar. Ym lah ban tip thikna la katno hajar snem ba ki Khomdeit ki sah ha katei ka jaka. Hynrei na kano ma kano re ka daw, ki kur Khomdeit ki phet noh na katei ka jaka bad ki wan kiew noh sha ka jaka ba la tip kum ka Khyndew Laiphew Dingan Khatar Sohpieng. Ka jaka ba don ha ki thaili Mikir Umpanai.

Ha Khyndew Laiphew Dingan Khatar Sohpieng, ki Khomdeit ki sah bun bun snem bad ki la ia roi ia par patum pereh. Ha kawei ka sien u samla uba na ka Raid Marynzong Umswai u la hap kha ha kawei na ki thei samla Khomdeit bad u la sab katto katne por bad ki kur Khomdeit ha Khynpew Laiphew Dingan Khatar Sohpieng, Hynrei namar ba kam dei ka Raid jong u, uta u samla um sngew juh sngew jem. Kumta u ialam noh ia la ka tnga sha ka Raid jong u ha Marynzong Umswai, katba kiwei pat ki kur Khomdeit ki sah hi ha Khyndew Laiphew Dingan Khatar Sohpieng bad ngim lah ioh jingtip shuh shaphang jong ki.

Ynda kata ka samla Khomdeit bad la u tnga ki poi ha Marynzong, ki shua ling halor uwei u lum bad ki shong ki sah hangta. Hangne ki la

foh shibun ki khun ki ksiew bad ki ia riwspah shikatdei eh. Ynda ki la sah bun phew snem, ki la ia roi ia par parum pareh kat haduh ba ki la poi shaduh ka hynriew phew iing bad baroh hyoriw phew iing ki ia roi bha ha ka liang ki khun ki kti bad ka spah ka hajar. Haba la rei haduh katne, ki Khomdeit ki don jingthmu ban kam ia kata jaka. Kumta da ka jingfabeit lang, ki ker baroh sawdong kata ka jaka ba ki shong ki sah da ka kynton bad da ki dieng tylli, bad hapdeng uta u lum ki ter kawei ka iingbah iingsan ban jong ka iingsad iing niam jong ka kiew tymmen jong ka kur Khomdeit.

Hapdeng ka suk ka saifi ka pahuh pahai, kumno re kumno, la wan shong kulai ka mynsiem sarong, khamtam ia ka jingheb jingskhem jong ka iingsad iingsunon jong ki, kaba ki ker skhem bha da ka kynton bad ki dieng tylli. Kumta ki kop ia u Kyllang u Symphut ha ryngkat ka ia smal ia spot; ba lada u lah ban pynjot pynpra ia kata ka iingsad iingsunon jong ki, kin duh ei iap ei, hynrei lada um lah, kata ka mut ba la jop ma ki ia ka bor jong u.

U Kyllang u la bitar ia ka jingkoppia jong ki kur Khomdeit Kumta ha ka por shiteng synia u wau beh kyrthep kynsan swut, hynrei um shym lah ban pynjot pynpra eiei. Sa shisien pat ha ka sien kaba ar u wan beh khyrwait bad pyrshang kynjrait katba lah, hvarei ha kane ka sien rub um shym lah ban pynjot pynpra ia ka iingsad iingsunon jong ki kur Khomdeit-

Khatduh khatwai ha ka sien kaba lai, u Kyllang u sei bor bah bad wan beh khyrwait tynggeh kat-ba don la ka bor. Ha kane ka sien, u kynjrat bad kynting sha suifi da kaba pynjot pynpra lyngkhot lyngkhai ia ka lingsad lingsunon jong ki. Ym tang katta, u Kyllang u la pynjot pynpra lut ia ki ling ki sem ba ki shong ki sab, u da pynpait ia ki kynton bad iynrat lut ia ka jingker ba ki la ker baroh sawdong.

Ka jingbitar u Kyllang ia ki kur Khomdeit kam kut tang kattei, hynrei u la tare ruh wat ia ki briew da kaba u rah ia ki bad pynsaphret kyl-leng ki jaka. Ha kane ka jingkit ne rong briew jong u Kyllang, don na ki Khomdeit kiba shah bret ne hap ha trai kdait bad naduh katei ka por la tip ia ki kum ki Khomdeit Khukhait. Don pat kiba u bret ne pynhap ha u phlang bad ia ki pat la tip nob kum ki Khomdeit Melang. Shuh shuh don sa kiwei kiba la shah bret ne hap ha trai ka dieng Sjar bad la tip nob ia ki kum ki Khomdeit Muksjar. Jar la katta, u Kyllang um shym la ktah lut, don hi kiba u pynsah. Na pdeng ki Khomdeit kiba lait na ka jingrong u Kyllang, don kiba leit phai pat sha ri dkhar bad don kiba sah ha katei ka juh ka jaka.

Nalor kitei ki kur Khomdeit ba la kdew ha-neng, don sa lai ngut shipara ia kiba u Kyllang u la rong bad leit buh ia ki ha u lum Murai. U lum uba don ha ka Raid Nongkhap harud ka wah Umsiang. Kine baroh lai ngut shipara ki shong ki sab katto katne por ha katei ka jaka



khlem don kano kano ka jingwit ne jingeh. Hynrei namar ba ki la ju mlien ban don la ki Ryngkew ki Basa, ki Blei ki Dken, kim sngew dei satria ban sah hangta khlem don la ki Ryngkew ki Basa, ne ki Blei ki Dkhen. Kumta wat la ki i long tang para kynthei, ki la ia pyrkhath lang kumno ban leh.

Khatduh, baroh lai ngut shipara ki rai lang da kawei ka jingmut ban leit pan u Ryngkew u Basa na ka wah Umiām. Kumta ki leit sha ka wah Umiām bad ki ia pan ia ka ba kan long nob ka Ryngkew ka Basa jong ki. Ynda ki la ia pan kumba la ia beit lang baroh shipara, ka wah Umiām ka jubab ia ki ka ong." Nga shah ia phi ba phin pynlong Blei pynlong Dkhen ia nga bad ngan ia rap ia phi ha ki jingeh jingjynjar jong phi, tangba phi dei ban ainguh aidein ia nga da ka mynsiem briew." Kata ban kñia da ki briew.

Ha ka jinglong riew kynthei bad sah kynthei sah khvnnah, kim banse ban kohnguh bad ngeit ia ka jingong jong ka wah Umiām bad ka hynmen rangbah jong ki ka ky la long ka Diri Nongkñia bad ka nongbat ia ka lingsad lingsiam bad ka lah ban kylla Labasa. Hynrei suki suki hadien, kata ka hynmen ba long Diri Nongkñia kam lah ban loh briew man ka por. Kumta kanguh ka dem bad pan na ka Ryngku ka Basa Umiām ban shu kñia nob da u Pathaw long ha ka jaka jong u briew bad ka Ryngku ka Basa Umiām ka shah ia ka Kumta ka sa kñia nob da u Pathaw long. Dei na kata ka daw ba ki

kur Khomdeit kim ju bam ia u pathaw long. La-da jia ba ki kum bam ia une u jait pathaw, khlem pep un wan mih u Kbla ne kin mih prum baroh shiryngfeng.

Dei ha katei ka por ba ki la k fia noh da u pathaw long ha ka jake jong u briew ba u Kin Manih uba na ka Raid Nongtluh u wan hap kha ne shim tnga ia ka hynmen rangbah kaba long ka Diri Nong fia, kaba kirteng ke Subai Khomdeit. U Kin Manih u sah lang bad la ka tnga ha lum Murai haduh ban da loh katto katne ngut ki khun, hynrei namar um sogewjuh bau sah ha lum Murai, u la ia lam noh ia ki sha khyndew Mawdaloi Nongbah Nongtluh.

Shwa ban leit bud ia la u tnga sha khyndew Mawdaloi Nongbah Nongtluh, ka Subai Khomdeit ka la pynsgew ha la ki jong ki para kumno ki ia pyrkhat. Ki ruh shisur da ka jingieit ki ong ba kin leit bud lang bad ka. Hangta ka Subai ka kylli pat ia ki mano ban bat noh ia ka Ryngekew ka Basa Um am jong ki. Ia kane ruh ki para ka Subai ki ong ba kan bat hi ma ka kum ka hynmen rangbah.

Ynda la ia mih na lum Murai bad poi ha u lum Kreit, u lum uba don ka Raid Mathan, ka para khatduh ka ong ba kan sah noh ha lum Kreit, katba ka para ba ar pat ka ong ba kan bud ia la ka hynmen. Kumta da ka jingfaieit, ka Subai bad ka para ba bud ha ka ki ong ia ka para khatduh ba kim dei ba kin ia leh lyndet ha

kino kino ki kam, kum ha ka pang ka lap ne ki-wei kiwei Ka para khatduh ruh ka ong hi kum-juh ba ki dei ban ia long shitvli. Ynda la dep ka ia kren ia khana na baroh arliang, bad da ka jinglahun mynsiem lang, ka Subai bad ka para ba bud ha ka ki sa ia leit sah noh ha khyndew Mawdaloi.

Ynda haba ka Subai Khomdeit (kaba long ka Diri Nongkha) bad la ka para ki poi ha Khyndew Mawdaloi, ki la kyrpad ia ki Longman mansan ban ai jaka ia ki khnang ba kin lah ban pyndap la ka niam ka rukom. Kumta u Sangot Laloo, Pator Laloo, u Syiem bad ki Longsan mansan ka Raid Nongtluh kiba la im sogi lypa ban pynheh pynlar ia ka Ri ka Raid ki la ai jaka bad shah sogewbha ia ki ba kin shong kin sah bad pyndep la ka niam ka rukom.

Naduh katei ka por ka Subai Khomdeit bad la ka para ki shong ki sah noh ha Khyndew Mawdaloi bad ki la ia roi parum pareh Hynrei ha kawei ka cor na kano ma kano ka daw, ka para jong ka Subai ka lapher jingmut bad la ka hynmen bad ka la long thik kumba shah pynshad ksuid ramia afu re, kat haduh ba ia dei ban Iernoh (pykyrpang ne pynlakblad noh) ia u mawshyieng mawshruh. U mawshyieng jong ki u don ar kamra. Ka para ka shim da kaba haneng bad ka Subai pat da kaba hapoh.

Dei katei ka awri awra ha pjang jong ki ha ka ba ki khlem da lah shuh ban dang ia sogewthuh jingmut ba la pynlakblad ia ki da kaba khot noh

İa ka para da ka MAİONG, katba İa ka .Subai  
pat ki khot hi İa ka da ka KHOMDEİT

Halor kitei ki jingjia, u Kin Manih u sngew-  
lem pa'at İa ka tnga jong u. ka Subai bad u don  
jingmut ban ring kur noh İa ka Subai Khomdeit  
sha ka kur Manih, da kaba u kynthup lang noh  
İa ka Subai Khomdeit sha ka kur Manih, da ka-  
ba u kynthup lang nob İa u synnjang u bynhei  
uba İa dei bad ka kur Manih. Kumta u rah noh  
İa ki tiar kŋia jong ka kur Khomdeit bad u leit  
buh İa ki sha İa İing kur Manih. Kita ki tiar ki  
long ka tari ot syiar, ka Wait pom blang, bad  
İa İylli ki Stŋiuh kiba long ki Blei Pyrtuh jong  
ka İing Khomdeit, khnang ha un lah tan pyn-  
dep İa ka niam hapoh İing. İa katei ka jingleh  
u Kin Manih, ym don mano mano ban İa pyr-  
shah ne uŋor, na ka daw ba ka kur Khomdeit  
kam don Kŋi ha kata ka por.

Ka Subai Khomdeit ka İa İoh shibun ngut ki  
khun ki ksiew İa kiba ngim lah shuh ban dang  
İoh jingtip İa ka kyrteng jong ki, İait tang İa u  
Tam uba long u kbun rangbah bad ka Shabu ka  
para jong u. Ynda ka Shabu ka İa İoh ki khun ki  
kti bad u Tam bad kiwei ki para shynrang jong  
u ki İa İap, ki khun ka Shabu ki kwah ban leit  
shim noh İa ki tiar kŋia jong ka kmierad jong ki  
kiba dei ki jong ki Khomdeit, namar ki İa tip na  
İa ka kmie ba ka kmierad bad u kparad jong ki  
ki İa wan kyrteng ha ki.

Kumta da ka jingmut kaba sogur, ki khun ka Shabu ki leit sha ka ling ki Mei kha Nia-kha, ki Panah-kha Pasan-kha bad ki pan ia ki tiar knia kaba u kparad jong ki u Kin Manih u la rzh sha ling kur Manih. Phewse ynda ki leit pan kim ioh shuh ia ki. Ynda kumta, ki khun ka Shabu ki pyrkhath ba la kumno kumno ruh ki dei ban ioh noh da ka nam Longsan lane kyrdan Longsan kumba ki la ioh ia ka khyndew ka shyiap, ka jaka knia jaka khriam naduh ka por jong ka kmierad jong ki ka Subai Khomdeit.

Ynda la tiang ka pyrkhath pyrdaiñ bha ha la ling la sem sem, hapoh la ka kur ka jait, ki ki khun ka Shabu ki leit ban ia kren u Sangot Laloo, u Pator Laloo, u Syiem, u Daloi - Manih, u Pator Matong b.d u Daloi Malai. Kitei ki Longsan ka Raid ki pynlong da ka shat ka kheñ, ka luh ka khan da ka pylleng bad ki dak ki shin ki pynpaw ba dei ban ai ha kur Khomdeit da ka nam Maji. Nangta ynda la luh la khan biang, la shem ba dei ban ai ia ka nam Maji he u Larbuh, u khun ka Shabu Kumta u Maji ba nyngkong eh na ka kur Khomdeit dei u Larbuh Maji Khomdeit.

Ha katei ka por, don uwei u Ryngkew ba phyl-la ha ka Raid Nongtluh uba ki khot u Krem. Une u shong ha krem Umtong, ka jaka kaba don ha trai khyndew Mawdaloi. Une u Ryngkew u ju kyl-la ia lade ha ka dur briew haba u ia kren ia kha-na bad ki briew bad ynda u leit phai noh sha la ka

**krem ba u sah, u ju kylla ia lade ha ka dur jong  
u thlen (lenlum) ba radbah.**

**U Krem u ia ieit paralok bha bad u Larbuh  
Khomdeit bad u ju mih pyrtnei man ka por ban  
ai jingmut ia u Larbuh, khamtam ha ba ki khyn-  
raw ki ia shong dorbar ha Mawkhynraw, ka jaka  
kaba don ha khyndew Mawdaloi. Kumta u  
Krem u kylla long u Ryngkew ki Khomdeit. La  
don ka sien ba ka kur Syngkli ba don ha Raid  
Nongtluh ki kam ia u Ryngkew ba u dei u jong  
ki, hynrei ha ka jingfaleh Mokotduma ka kur  
Khomdeit ka la jop bad loh ia u Krem kum u  
'lei kur jong ki.**

**Ka para khatduh jong ka Subai Khomdeit  
kaba sah ha lum Kreit ruh ynda ka la loh tnga  
ka bud noh ia u bad ki poi sah harud Umta ha  
thwei Saipdem. Ia kane ruh la lap da ki  
Nongtluh kiba sah ha khyndew Mawdaloi myn-  
ba ki leit khwai doh khwai tham. Kumta ki khot  
noh ia ka ban wan shong wan sah noh ha khyn-  
dew Mawdaloi, hynrei u tnga jong ka um myn-  
jur lynda kin ai ka jaka puta ba un seng ia ka  
duwan dupat, khnang ban loh pyndep ia ka  
niam ka rukom. Kumta u Sangot Laloo, u Pa-  
tor Laloo, u Syiem bad ki Longsan Mansan ka  
Raid. Nongtluh ki kular ban ai bad u tnga kata  
ka para khatduh ka Subai Khomdeit u sa ialam  
ia la ka tnga bad ia shong ia sah lang noh ha  
khyndew Madaloi, hynrei la ki leit sah ha khyn-  
dew Mawdaloi, ki dang pynlong Ryngkew hi ia  
ka Saipdem.**

Ha khyndew Mawdaloi, ki Khomdeit. ki  
don lai ling

- (i) Khomdeit Kmie-ling
- (ii) Khomdeit Sohkhar
- (iii) Khomdeit Khongjing



# **KA PATENG KI SAN KUR BAD KI SYIEM**

Ki san kur naduh ba poi ha khyndew Maw-daloi haduh mynta. ngi shem ba ka kur Laloo ki la don palat 12 pateng briew, ka kur Manih ki la don palat 9 pateng briew, ka kur Matong ki la don palat 9 pateng briew, ka kur Malai ka la don palat 7 pateng briew bad ka kur Khomdeit ki la don palat san pateng briew.

Ha kaba nyngkong dei tang ki Laloo ki bat ar Longsan kata Sangot bad Pator. Ki Manih ki bat tang shi longsan kata Daloi. Hadien pat ha ki ngi jong u Nersing Syiem (Syiem Raid la mynta), la ai sa ka kam Tymmen shnong Kum-jub ruh ki Matong kiba bat tang ia ka kam Pator la ai sa ka kam Longskor. Ia ki Ma'ai kiba ju bat tang ia ka kam Daloi la ai sa ka kam Sangot bad ia ki Khomdeit kiba ju bat ia ka kam Maji la ai sa ka kam Pator.

Ki Longsan Laloo katba lah ban tip kyrteng ki long kumne : -

*Sangot* 1) Buaid Sangot Laloo. (2) Luta Sangot Laloo (3) Mukda Sangot Laloo. (4, 5, 6, 7, 8 9 10, 11 ter ter ym tip shuh ia ki kyrteng jong ki). Nangta sa shimti u Kynthih Sangot Laloo, hadien jong u sa shimti sa u Tel Sangot Laloo, uba long u Sangot Laloo ba mynta.



**Pator.** Ym tip kyrteng shuh tad haduh ba la shimti da u Jon (Zon) Pator Laloo ha ki sngi jong Bormanik Syiem ka Hima Shyllong uba la laleh thma ia ki phareng. Hadien u Jon Pator Laloo ruh ym lah ban tip shuh ia ki kyrteng jong kiba la shimti ia ka kam Pator Laloo tad haduh ba la shimti da u Lom Pator Laloo bad hadien jong u la shimti da u Drin Pator Laloo, uba long u Pator Laloo uba mynta.

Ki Longsan mansan Manih katba lah ban tip kyrteng haduh mynta ki long kine :-

1) U Jyrlu, 2) U Larmut 3) U Eh. 4) U Ador, (une u don ar sohpet. 5) U Kon. 6) U Saton 7) U Nirot. 8) U Small, u Daloi Manih ba mynta,

Ki Long san Matong katba lah ban tip kyrteng haduh mynta ki long kine :-

1) U Suwai. 2) U Phanram. (Ia une la ring kongngor da ka kur Syiem kumta u duh moh ka long Pator) 3) U Sabu. 4) U Phanlir. 5) U Sator. 6) U Narein. 7) U Sabot. 8) U Wenton. 9) U Bromsing, u Pator Matong ba mynta.

Ki Longsan Malai katba lah ban tip kyrteng haduh mynta ki long kine :-

1) U Dorjang. 2) U Daser. 3) u Der 4) Ym tip  
kyrteng. 5) U Jin 6) U Daser. (ii). 7) U Jir. 8) U  
Phar. 9) U Rani Daloi Malai ba mynta.

Ki Longsan Khomdeit katba lah ban tip  
kyrteng haduh mynta ki long kire : -

1) U Larbuh. 2) U Sarkha 3) U Boit.  
4) U Zon. 5) U Bizar. 6) U Daniel. 7) U  
Kinam. 8) U Musai 9) U Eban 10) U La-  
jro Sing, uba long u Maji Khomdeit ba mynta.

Ki Syiem Kuba katba lah ban tip kyrteng  
haduh mynta don ar jait ki rukom iathub  
i) kat kum u Syiem Nersing ki long kine.

1) U Buda. 2) U Buda (uba wan kyrteng).  
3) U Diwan 4) U Shak. 5) U Mukda. 6)  
U Majan. 7) U Junom. 8) U Shynna. 9) U  
Kubir. 10) U El 11) U Nersing Syiem u Syiem  
Raid ba mynta,

ii) Kat kum uBah Dolin Malai ki long kumne:.

1) U Buda. 2) U Budha. 3) U Mukda  
4) U Ksah. 5) U Diwan. 6) U Junom. 7) U  
Maian. 8) U Shynna. 9) U El. 10) U Nersing  
Syiem, Syiem Raid ba mynta.


# **KI SHNONG KIBA HAP HAPOH KA RAID NONGTLUH KUMBA LONG MYNTA**

1.	Umdohkha ka don kumba	85	ing
2.	Umlakhar	60	"
3.	Mawlong	136	"
4.	Umkon	70	"
5.	Sohtat	10	"
6.	Jarmanai	40	"
7.	Umsohkhar	30	"
8.	Diwon	125	"
9.	Lumding	15	"
10.	Umpyrdong	20	"
11.	Kynton Phanram Paham kseh	20	"
12.	Umdem Khasi	50	"
13.	Manipur	25	"
14.	Umden R. C.	60	"
15.	Blei Shiah	20	"
16.	Juwe	25	"
17.	Pahamjri	30	"
18.	Umrang	80	"
19.	Plasha	90	"
20.	Korstep	40	"
21.	Umshoh Khlieog	20	"

*Kane ka jingthoh ka long tang ka Mait-phang na ka bynta ki 'Rangkynsai bad ki 'thei kynsai kiba don jingmut bad im sngi ban wad ban thud, ban tih ban tip ia ka khanatang kaba ia dei bad ka Raid Nongtluh. Mano ba tip*

*ba ka thpa Thaang pyrshah ia ki Nongtluh kam  
duna ha ka thij kum ka Illiad jong u Homer ha  
kti bastad bad khraw pyrkhah jong ki Myllung ka  
Ri u Hynñiewtrep. Lada ngi mon ngi lah.*


**Katto Shwa**



## Ki kot da u juh u nongthoh

1. Ka thymmei pyrkhut u Khasi bad —  
ki Parom —(1976).
2. Ka Rongbiria u Hynñiewtrep — (1978).
3. Ka Sajer Raid Nonglyngdoh Bk I —
4. Ka Sajer Raid Nonglyngdoh Bk II —  
Ka Sajer Raid Nonglyngdoh —  
Bk I & II —(1982)
5. Ki Puja Lyngkot —(1982)
6. Shi-har ki Drama (State Award —(1982).
7. Ka Jyrsieh Longbriew. Bk I —
8. Ka Jyrsieh Longbriew. Bk II. —  
Ka Jyrsieh Longbriew Bk I & II —(1983).
9. Ka ksaw ka kpong u Hynñiewtrep —  
(State Award & Appira Award) —(1984).
10. K Shat jingtip Bk I —(1985).
11. Ki khana Hyndai Bk I —
12. Ki khana Hyndai Bk II —  
Ki khana Hyndai Bk I & II —  
(Appira Award) — (1985).
13. Sahti —(1986).
14. Nga wad la Phi. —(1986).
15. Riteng Mynnar bad kiwei. —(1986).
16. Purilum —(1986).
17. La Ummat ki Jaw (State Award)—(1986).
18. Thoh shun ki Blei —(1986).
19. Ka sur ba matan —(1986).
20. Ka ling Tin Saw (Lasubon I.) —
21. Sni Jingieit. (Lasubon II.) —

22. Ka Svnjat. (Lasubon III) —
23. Ka Ding (Lasubon IV) —  
     Lasubon (Bk I II, III, IV). —  
     (State Award & Apphira Award) —(1987).
24. Knor ksiar. —(1987).
25. Kam Miet Bk I. —
26. Kam Miet Bk II —  
     Kam Miet Bk I & II —(1988).
27. U Briew ba la phah da u Blei —(1989).  
     (Translation)
28. K1 dohkha bad kiwei. —(1986).
29. Shat jingtip Bk. II —
30. Shat jingtip Bk III —  
     Shat jingtip Bk II & III —(1989).
31. Ka B1 Mynkaw & kiwei —(1990).
32. Sirkot Mynder —(1990).
33. Ri - heh —(1991).
34. Ba shem ka longkha —(1991).
35. Lai ki Parom —(1991).
36. K1 Hati Khlaw —(1991).
37. Ki Mrad Khlaw —(1991).
38. U Pantah. (Raid Nongkhrach) —(1992).
39. Ka nguh 'Lei Shyllong & Lehniam —  
     Jewduh —(1993).
40. Ki Parom Paju —(1994).
41. Ki Parom Hyndai —(1995).
42. Ka Raid Nongtluh bad ki —  
     5Lyngdoh 5kum. —(1995).











**Donbok T Laloo**